



C 418
417

1) Siberia,
mabz 2) - 4)

○○.



4

DE VERA NOBILITATE
ORATIONES DVÆ,
A DVOBVS IVVENIBVS, NO-
BILEM PVELLAM AMBIENTIBVS,
APVD SENATVM ROMANVM HABITAE;
Olim à BONAGARSO PISTORIENSI Iurecons
ulto, & suæ ætatis Oratore clarissi
mo conscriptæ;

Ac deinde per XYSTVM BETVLEIVM AVGVSTA
NVM in ludi formam redactæ.

Nunc verò

Actione Ciuali nova, interpellationibus Consulum,
Senatorumq; diversis sententij & Oratio
nibus, exercenda Iuventutis
ergò, vestitz;

A M ATTHIA NIZOLIO THORVNIESS
Boruſſo, Gymnasij patrj ProRectore.



Thorunij Boruſſorum,
Excudebat ANDREAS COTENIVS
Anno M. DC. IV.

Вопросы

✓ из Ресторана Ильинского

ОГЛАВЛЕНИЕ

СОДЕРЖАНИЕ

ЗАПИСИ



ILLVSTRI AC GENERO-
SO DOMINO,

DN. VLADISLAO;

ILLVSTRIS, GENEROSI
ET MAGNIFICI DOMINI,

DOMINI NICOLAI,
COMITIS AB OSTROROG,

Hæredis in Krillov &c. optimæ & generosissimæ
indolis FILIO,

Domino suo gratioſo, S.



VEMA D M O D V M VEGETIVS COMES CON-
stantinopolitanus, Libro primo de re militari, ex r̄su publicē salu-
tis fore iudicat, si rudes tyrones & Martis alumni, qui fortes aliquan-
do & bellicost milites vileri debeant, prius quam ad iusta ad nutane-
tur prælia, & corporibus & animis prestantissimi deliganeur, deca-
cti varijs sculpsis & rebus quam sepiſsimè exercercentur: Ita maxi-
mè quoq; referre, & multum cū priuatis, tūn publicis rebus con-
ducere existimandum est, si Palladii alumni, curis ingentibus, sollicituime graui, fingen-
tur formeneur, exerceantur, ad omnia ritæ genera, ad omnia Reipublicæ tempora accona-
modati atq; apostoli. Hanc ob causam, varia exerventionum genera in scholas bene co-
stitutas introducta, & constanter conservata semper fuerunt: inter quæ Disputationes
& Declamationes primum locum sibi vendicare non immeritò videmur. Ex iis etenim
multa & propè infinita proficiuntur commoda. Ingenium quod mortalibus exiguum est,
cū acuunt iūm perspicacius reddunt: Memoriam, quæ similiter infirma nobis & fragilis
est. multū iuuam; Lingua ad prof. renda animi sensa promptiore efficiunt; Fidentiam
repulsa tñ dñotrix sive stupore, quo plerumq; iuuenes confunduntur, pariunt, & timor
rem stuporis ῥapaxātū, memorie & rerum agendarum hostem, ex animis discerniūt eis-
ciunt; Eist verò inter doctissimos de Disputationibus & Declamationibus, vere
nobiliores & magis necessariae essent se penumero disputatum fuit: tamen verasq; arctis
mo vinculo coniunctas non seiungendas sed cultura diligentii & studiose excolendas atq; ex-
poliendas esse certū est, cūm non minor ratio sane orationis, quam sane mentis babenda sit.

(*) 2

Quare

Quare quemadmodum & agricola vituperandus est, qui cum liceret ei fundum universum ex solere, saltus quosdam steriles arat, partem vero quamplam eius fundi pinguisimam & uberrimam relinquit incultam: Sic quod reprobendendus est is, qui cum omnia studiorum munera odimplere posset, cetera quamvis leuiora accuratisime obit, Disputandi & Declamandi exercitationes, ex quibus fructus tam uberrimi colliguntur, vel aspernatur & negligit, vel Eloquentiam a Philosophia, Orationem a Ratione, corpus ab anima se iungere non dubitat. Hinc magnum semper barum exercitationum nomen fuit in Officiis Sapientie: His Stoici in suis dumetis; his in Academia Plato, his in Lyceo Aristoteles auditores suos exercuerunt: His Demosthenes ut ad mare fluctus declamaret; His Cicero ut apud Demetrum Syrium Athenis, apud Menippum Stratonicensem in Asia sece exercebat adductus fuit; His insuper fortis ille Quartae Monarchie antesignanus IVLIVS Caesar incitatus, Lugduni aram extruxit, ad quam Graecae simul atque Laimae facundiae certamina fierent, ita quidem, ut vicit amplissimis muneribus officeretur, vicitus vel lingua sua Accusationis formulam deleret, vel ter in Arari demergeretur. Hinc, exemplotanorum virorum, preclara illa differendi declamandi consuetudo ad nostram usq[ue] memoriam notandum in celeberrimis Academijs, sed etiam in florentibus Gymnasio constanter conserua fuit: Hinc etiam Magistratus Urbis nostrae tanorum Virorum vestigia sublegendo, non passus est, eiusmodi exercitationum genera, à Schola sue alumnis desiderari. Constituto namq[ue] Ludo & restaurato, ad Decem Classes, ante decennium, secundis auspiciis, Nouam Curiam adiunxit, in qua principia Theologie solitaria, cum Lingua Hebreorum item Elementa Ciuii vita, & Physica, cum ceteris Philosophiae partibus proponi & tradi, & preter quotidiana Styli utriusq[ue], menstrua etiam Disputationum atque Declamationum exercitia haberi & celebrari Legum Scholasticarum sanctione voluit que etiam hactenus cum summa utilitate discentium habita & celebrata fuerunt, & in posterum, aeterno DEO concedente nobis halcyonia, babebuntur & celebrabuntur.

Caterunt, quia nobis qui Seminario Ecclesiæ & Reipublicæ prefecti sumus, incumbit præterea, ut demus operam sedulò, ut olim in omnibus functionibus idonei homines inueniantur, præfertim vero, ut futurus Politicus, honorum negotiorum ciuilium appetens, ad omnem excellentiam cursum facere expeditiorem posset; siquidem a teneris assuescere mulsum est: idcirco eiusmodi etiam p[ro]d[uc]tor[um] & actiones Ciuiiles instituimus interdum, quæ administranda Reipublicæ aliquam imaginem praeseferum, eligentes ex discipulis qui imaginem Censorum, Iudicium, Assessorum & aliorum representent, quorum in consilio actor & Reus eaßam dicere & defendere teneatur.

Eiusmodi Forensium Actionum exercitium cum & mihi ratione Officij mei, superiori anno instituendum & celebrandum fuisset, incidi forte in Orationes Contrarias. BONAGARSI, sue etatis Oratorum Clarissimi quas cum eiusmodi esse animaduertissem, quæ ingenium quemq[ue] ad vere Nobilitatis sue Virtutis studium excitare & inflammare queant, dignas eas, quæ discipulis Latinæ lingue communicarentur, iudicau. Quare, exercende iuuentute gratia, rei a BONAGARSO confitæ veritatis aliquam formam induere, & dictas Orationes Actione Ciuiili, interpellationibus Consulum, Sena-

torum,



torumq; diuersis sententijs vestire, exq; ad usum fori communem accommodare conatus fu^r. Quam meam opellam qualemcumq; cum bonis & candidis compluribus, omnia candide interro
presentibus, gratam, Eloquentie verò studiois utilem fore intelligerem, multiq; præsero
tim verò rei nostræ literarie fautores & Patroni ad eius Actus publicam editionem me
hortarentur, passus fui eum ad commodum qualemcumq; iuuentutis formu typographicis excus
sum in publicum prodire, certò statuens, eos non minus benè de Republica literaria meret
ri qui honorum authorum lucubrations ab interi: u vindicant, è tenib; in lucem profes
tune, quam qui noua interdum hominibus iudicio valentibus minus grata & fructuosa, tam
tum ut sibi ipsis placeant, in scenam producere non veremur.

Quod verò sub augusti nominis tui auspicio, Illustris & Generose Comes, hunc
Actum apparere, atq; lucem aspicere & oluerim, causæ me impulerunt grauissimæ. Ut
enim triumphalibus columnis, ceteru q; id genus operibus, maioris splendoris dignitatq; g-ra
tia, Diui alicuius aut Herōis imponi imago consuevit; sic ipse nunc mihi faciendum putauit,
vt Actui huic publico Illustris Generos: Tuæ nomen præfigerem, atq; ita præfige nome
nis tui honoratissimi lumine splendorem lucemq; adderem. Accedit ad hoc, quod nusquam
conuenientius, quam apud Gen. Tuam Nobilitatis sermo haberi potest, quæ ipsa omni Nobilita
tis dignitate condecorata & exornata est. Nam si splendorem familie Generositatis Tuæ
considero, an non ea longa semper serie Regno huic viros præclarissimos suppeditauit? Et
et nobil dicam de maioribus Generos: Tuæ, qui rebus gestis maximis & virtutibus summis
in sublime dignitatis fastigium in Regno hoc ascenderunt; Nec etiam quidquam commemorem
de Auo paterno S T A N I S L A O Castellano Miedzirecent, beroe clarissimo præstan
tissimoq; vibili etiam attingam de Auia paterna, I O A N N I S de T E N C Z I N P A
L A T I N I Sendomiriensis filia, re et nomine S O P H I A, que pietate, grauitate &
summa in rebus agendis dexteritate prædicta, corona domus sue splendidissima, dum vixit, exo
tituit: Cui, quæso, vt silentio multa iam inuoluam, cui inquam, Illustris & Generosus, fortis
& magnanimus Heros Dominus Parenz Generos: Tuæ non notus? qui quod in Viro verè
Politico requiritur, foris armis corruscans ac fulguribus (id quod Moldauica superior
ribus annis & nuper Liuonica demonstrauit expeditione) domi verò consilio prudentiusq;
pollet plurimum: Cuius Virtutes verè beroicas, & in Ecclesiam, Scholas, patriamq; merita
extimia, que grata posteritas suo tempore debito premio celebrabit, hic præterire me oportet,
ne cum adhuc mortali fruatur vita quam ipsius Illustri Generositati diuturnam floren
tissimamq; precor, in afflictionis crimen incurram.

Quoniam ergo Generositatem Tuam ad Virtutem & res magnas inuitane domestica
familie laudatissima exempla, agi igitur Illustris & Generose Comes, fac ut maioribus tu
is præstanti optimarum Artium cognitione, cibis suis eximiarum Virtutum exercitijs præ
clarissimis ex diligentí Artium & Virtutum studio partib; laudibus, non modo par sed &
superior atq; excellentior olim euadas. Pulchrum namq; est, Illustribus & Generosis na
& prodire parentibus: pulchrius illustribus & generosis eos adequare & virtutibus: multo
longi, pulcherrimum & quidam diuinum quidpiam, eos anteire & præcellere. Quod
sane & Generos: Tuæ facile perfecerit, si, vt præclare coepit, in ijs Artibus, sine omni cesa
satione.

(*) 3



satione elaborandum sibi statuerit, quibus ad veras illas laudes ascenditur; Si porro in
Virtutibus illis processerit, que ex literarum cognitione cognitae, sunt optimae, omnis lau-
dis, glorie, immortalitatis omnisque felicitatis promotrices. Quod Generosus: Tuam fa-
cturam nemo ambigit, tum ob euangelicas et generosissimam indolem, qua praे reliquis donorum
author DEVS eandem nobilitavit, tum quod sub grauissimis et rare eruditioris Praecep-
tis, publice in Schola, quam Illustris et Magnificus parens Generositatis Tue munificen-
tia et liberalitate singulari Krillouiae aperuit, ut pote Reuerendo et Clarissimo Viro
BALTHASARE CROSNEVICIO Lithuano, Philosophie et Theologie
Doctore, priuatim vero sub nobili, vera pietate et doctrina Politica prestanti Domino
ABRAHAMO VVYSOCIO, aurea pietatis, literarum, atque etiam officiorum
quotidiana Generosus: Tua habeat exercitia. Verum de his a me verba pluribus im-
presentiarum facienda non sunt.

Quod reliquum est, peto cum debita reverentia a Generositate Tua, ut id,
quod a me ad editionem hanc Orationum BONAGARI collatum est,
gratum acceptumque habere, et hanc meam προσφόρνησι, sive ut hodie loquuntur,
dedicationem tenuem boni consulere velit. DEVS Ter OPT: MAX:
Dominus coeli et terræ, Illustrem et Magnificum Parentem tuum, cum Illustri ac nobilissi-
ma coniuge CATHARINA, ex illustri et generosissima familia FABIANI et
CEMA, Palatini Mariaeburgensis, et Capitanei Stunensis et c filiis, una cum Gene-
rositate Tua diu multumque florentem et in columem conseruare ac tueri dignetur, ad nominis
sui gloriam, ad Regni huius mcliti decus et ornamentum, al generis et stirpis G.T. felic-
issimam propagationem et amplitudinem. Date Thoruny Borussorum Dominica Rati-
onib[us] in nomine IESV. Anno reparatae salutis humanae, MDC: IV.

Tuæ Illustri Generositat[i]

addictiss.

MATTHIAS NIZOLIVS Thorun-
Gymnasij ibidem ProRector,

PRO

PROGRAMMA.

Rector & Visitatores Gymnasy Thoruniensis

LECTORIBVS BENEVOLIS S.

Descendi rationem sine exercitationibus neque consistere, neq; feliciter procedere, nemin non persuasum esse debet: vt enim in reliquis vite generibus omnes artes vsu & experiundo parantur: Ita & in nostro literario vita genere verissimum est illud Anaxagoræ; manum esse Sapientiæ auctorem. Exercitatio etenim naturam confirmat, doctrinæ ac præceptorum conformatiōnem perficit, habitum deniq; gignit & procreat. Varjs igitur modis ingeniorum agri & studia juvenilia exercenda sunt, vt vberimum & expectatum fructum proferant: Exemplo sit Marius, qui, vt author est Plutarchus, & senex, & multa corporis mole grauis, vir tanta belli gloria, per pacem tamen, vt filiū togatis studjs & bellicis artibus & actibus institueret, quotidie in certum locum cum adolescentibus venire, eosdemq; miris modis exercere in ipso ætatis ingravescens flexu non erubescet: Intellexit nimirum vir prudentissimus, usum artifices efficere, eruditioñem vero ipsam perficere & consummare. Ex omnibus vero exercitationum Scholasticarum generibus, quodnam juventuti Scholasticæ esset accommodatius, utilius & fructuosius, variae semper fuerunt & sunt doctorum opiniones: multi disputationibus, nonnulli declamationibus primum assignant locum, alij vero ludos scenicos siue actiones comœdiarum & tragœdiarum summis ad cœlum

cœlum usq; laudibus efferunt. Et si verò placidæ senten-
tiarum & argumentorum collationes, illustrandæ & ex-
plicandæ veritatis caussa institutæ, innumerabiles studijs
discentium vtilitates adserunt, declamandi verò ratio,
vt Quinctilianus libro 2. Orat. Instit; Cap; II inquit,
ita est celebrata, vt plerisq; videatur ad formandam Elo-
quentiam vel sola sufficere: Comœdiarum deniq; actio-
nes ab omni obſcenitate alienæ, nec ad ullam scurrilita-
tem comparata ad longissimos discipulorum in literis
& moribus progressus spectare videtur: Tamen si quod
res est, dicere voluerimus, neq; dici neque credi satis po-
test, quantus vtilitatum cumulus in Rempub. conſera-
tur ab illis præceptoribus, qui, cum dictis exercitijs im-
becillam etatem, à primis adolescentiæ annis, ad forum
vsumq; vitæ civilis codoceſſaciunt, & speciem quandam
Curiæ Romanæ in Scholis suis exprimunt, ex discipu-
lis eligentes, qui imaginem Consulum, Senatorum, Cen-
ſorum, Iudicium, Assessorum, & aliorum repræſentent;
quorum in consellu actor & reus siue partes contenden-
tes cauſam dicere & defendere tenentur. Prodest ea ra-
tio ad judicium, ad mores, ad pronunciationem, ad fi-
dientiam, ad vsum totius vitæ & alia multa. Eiusmodi
ſiquidem Scholasticæ forenſes actiones, formant & li-
mant Adolescentum judicia, ingeniorum vim & celeri-
tatem acuunt, memoriam promptiorem atq; firmiorem
reddunt. Moribus insuper prodest, assuefieri ad confuſi-
onem animi diſcutiendam, ad verecundiam & modesti-
am in regendis gestibus, ad comitatem & affabilitatem
& cetera humanitatis officia; Quinimò ciuſmodi Scho-
lasticæ

Iastica exercitia, in quibus umbris quedam forensium
causarum & actionum proponuntur, adolescentū (eō-
rum verò potissimum, qui in oculis hominum aliquando
habitare cogitant) linguam expoliunt, hæsitantiam ei-
iusdem corrigunt, facundiam extemporalem alunt, for-
mant pronunciationem in moderanda voce, vultu, & vi-
tandis gestibus ineptis; Δυσωδίας insuper sive stuporem
temperant & omnino tollunt: ad summam ad usum to-
tius vitæ conducunt. & ut in omnibus olim functionibus,
præsertim in ciuilibus administrationibus idonei homi-
nes inueniātur efficiunt; à teneris enim cōfuescere multū
est, & ut ille inquit ἀεχά τολμίας νέωρη τροφή Fundamentum
Reipublicæ honestæ est honesta juventutis exercitatio.
Quæ cum ita se habeant, & isto exercitiū genere judicium
formari, memoriam egregiè excoli linguæ vitia emenda-
ri, dicendi quandam libertatem & fiduciam acquiri, &
ingenuos quoq; ad publicas functiones & ad Virtutis
studium inflammari ex superioribus perspicuum sit, re-
ctius certè studiosæ juventuti ex conceduntur actiones,
quæ administrande Reipub aliquam imaginem præse-
serunt, quām eæ, quæ meetricum blanditijs, servorum
dolis, adolescentum luxu persistrepunt. Optabile igitur
esset, si quid vota valerent, ut in omnibus ludis literarijs
id genus exercitia vigerent, sanè florentiores videre plē-
roq; liceret; utiq; quæ nonnullis Scholis, potissimum
verò ARGENTORATENSIVM Academiæ, præter a-
lia præclara instituta nō minimā celebritatē pepererunt.
Quare ne & nos, hac in parte, Gymnasio nostro defuisse
videamus, ad intermissam hactenus forensium actionum

A

exercitio



exercitationem redibimus. Quia autem s̄a penumero
apud plurimos de Nobilitate disputatum fuit: multi
enim eam in felicitate generis, nonnulli in affluentia di-
vitiarum, pleriq; in gloria virtutis sitā esse arbitrati sunt;
Et verò de vtili hac & jucunda Nobilitatis controversia
duas orationes elegantes scripsit, & in festivū declaman-
di genus traduxit BONAGARVS PISTORIENSIS
Iurisconsultus & suæ ætatis Orator Clarissimus; Idcirco
MATTHIAS NIZOLIVS Gymnasij nostri Pro Re-
ctor exercendæ juventutis Scholasticæ gratia, rei à
Bonagarso confictæ veritatis aliquam formam induere,
& dictas duas Orationes actione Civili, interpellationi-
bus Consulum Senatorumq; diversis orationibus ac sen-
tentijs vestire, easq; ad usum fori cōmunem accommo-
dare conatus fuit. Quia verò necessarium est, vt adole-
scentes, vt ad alia exercitiorum genera, ita etiam ad Ora-
toria, reciproca quadam contentionē & emulatione in-
vitentur & incitetur, idcirco hoc considerantes, hac vice
peregrinos sive extraneos ad hanc actionem forensem
adhibebimus, breui in simili Exercitationum genere no-
strates & indigenas adhibituri; Sic enim speramus gliscet
inter discentes illa, quam laudat Hesiodus contentio, &
flagrantibus facibus adolescentum animos & ad discen-
dum & ad dicendū invitabit; Proinde post præfationem,
quam habiturus est GREGORIVS CAMMERMANA-
NVS Gedanensis hæ personæ intervenient.

I.

JOHANNES ALBERTVS PERBAND.
FABIANVS BORCK.

} Nobiles Borussi
Romanorum Cō-

II.

JOHANNES BRANDT.
ALBERTVS PERBAND.

} sujum personas
repræsentabunt,

SIMON CLVGIVS DANTISCANVS.

MATTHAEVS VECHNERVS FRAVNSTAD. Sileſius.

JOHANNES HINTZIVS REGIOMONTANVS.

JOHANNES CZESSELIVS MARIAEBVRGENSIS.

GEORGIVS BVTNERVS NEIDENBVRGENSIS Boruffus.

CHRISTOPHORVS LEVCORHODIVS REGIOMON:

IACOBVS GERMAN GRVDENTINV S.

HERMANNVS BENCKENDORFF MARIAEBVR:

DAVID SAVRIVS SVERINENSIS POLONVS.

JOHANNES CHRISTOPORSKY NOBILIS POLONVS.

DANIEL BRESLERVS DIRSCHOVIENSIS.

JOHANNES BRVCKMANNVS GEDANENSIS, SENATORUM & ASSESSORUM VICES GERENT, & AUDITIS PARTIBUS IN

CONSILIJ ADHIBITI, QUID STATUENDUM SIT, SUFFRAGIJS SUIS

DECLARABUNT.

III.

JOHANNES STOLTZIVS FRAVNSTADENSIS SILESIUS, SCRIBÆ SIVE ACTUARIJ OFFICIO FUNGETUR.

IV.

DANIEL TIDICAEVS

DAVID SCHUMANNVS GEDANENSES, IN SENATORIO CONSELLU DE NOBILITATE CONTENDET QUORUM ALTER NOBILITATEM SUAM EX MAIORUM GENERIS PROSAPIA PROBABIT, EAMQ; EX AFFLIENTIA DIVITIARUM CONFIRMABIT: ALTER VERÒ ORATIONE CONTRARIA REFUTATIS ANTAGONISTÆ RATIONIBUS, VERĀ NOBILITATEM IN GLORIA PROPRIÆ VIRTUTIS CONSTITUTE, ARGUMENTIS EVIDENTISSIMIS DEMONSTRABIT. QUOS IN UTILI CUMPRIMIS & IUCUNDO ARGUMENTO HAUD GRAUATE VTC AUDIANT BENEVOLI SCHOLÆ nostræ FAUTORES & PATRONI HUMANITER & OFFICIOSÈ ROGAMUS, nostræ VERÒ IURISDICTIONI SUBIECTOS, VTC FREQUENTES DICTO LOCO & HORA CONVENIANT & AD SIMILES QUOCB; EXERCITATIONES IN POSTERUM SE PRÆPARENT, MONEMUS & HORTAMUR. P.P. XVI. Decemb: Anno M. D. C. III.





Actus hic à Psalmo 84: Quām dilecta sunt tabernacula &c. Musīis numeris
ecto vocum à Iacobo Gallo Musico suauissimo inclusō, inchoabitur.

PERIOCHASIVE ARGV- MENTVM.



Estate illa florentissima, qua inclytum Romanum Imperium adoleuit, claruit Senatorij Ordinis vir quidam F V. LEGENTIVS FELIX, amplissimis opibus, honestate, amicitijs ciuium, gratia, fortunisq; omnibus luxupletissimus: qui ex uxore CLAVDIA genitam eximē pulchritudinis LVCRETIAM habuit, unicam spem honeste senectutis sua. Nam supra præstantis formæ pulchritudinem, quæ omnes Romanas Virgines antecellibat: tanta in exeritate moderatio, tanta ut ingenij, tanta literarum eruditio, tanta morum honestas, ut illi nihil deesse videretur quod composito cuiusq; animo fas sit optare;

Huius itaq; ardenti amore saucij, inter quamplures reliques Romane iuuentutis, vehementius incaescabant adolescentes duo, quibus par forma & eas erat, dispare fortunæ & mores. Alter enim, qui PVE CORNELIUS LIVS appellabatur, illustri ex familia Corneliorum oriens, omnibus verò fortunæ bonis affuebat. Nam supra generis claritudinem ingentes ipsi opes erant, atq; his consentaneæ semper amicitiae, clientele, familiæ, huic venandi, cantandi, ludendi, & iuuersum penè studium erat: Alter verò CAIVS FLAMINIVS remissiore quidem genere, honestis tamen parentibus originem traxerat: Opes autem modicas, domesticam frugalitatem, & ornatum rerum familiarium medio criter habebat: huic licet fortunæ humiliores viderentur, nihil tamen remissius agebat, quin animo florerer claro atq; illustri. Nam in officijs amicorum & Patriæ curiosissimus erat: bello, ubi opus videretur, strenuus: literarum verò soleritissimus, ita ut neq; arma studijs, neq; armis studia defessent, ritæ verò moderatione, prudentia, atq; facundia pollebat, supra quam in adolescente credibile videretur; Quibus egregijs virtutibus Romæ clarus pollensq; habebatur. Hi

CUM

cum dñi filii conuenissent, ut alter ei, cui Virgo responderetur, cederet pariter;
FVLGENTIVM FELICEM adeunt, a quo admodum comites suscep-
ti sunt: Filiam tum **LVCRETIA M** veteris uxorem expetit: Prudentior
senex, ubi illam grandem iam et nubilem videt filie adolescentum causam ex-
ponit: Et cum eius mores atque ingenium animaduerteret, alterum ex his illam per-
tere iubet. Virgo primùm pro honestate ac pudicitia reluctans, cum deinde
pater diligentius imperaret, paulisper se tacitam continuit, denique ad Genitorem
conursa, Nobiliorem (inquit) ex his tibi generum facio, atque hic mihi sponsus in-
commutabilis electus sit. Quamobrem orta inter adolescentes controuersia fu-
it, uter eorum nobilior esset: Quoniam vero rei nouitas miranda videbatur,
magna cum populi frequentia contentio ad Senatum defertur, et bi de Nobilitate
habite sunt Orationes. Tandem vero per Senatusconsultum decretum fu-
it, ne deinceps ignarus, quantumvis genere, et opibus turgidus, pronobili habe-
retur sed Nobilitas non aliunde quam ex virtutibus estimaretur. Hanc No-
bilitatis controuersiam, quia et pulcherrima, et disputatione dignissima est, ut
benigne cognoscatis, et eam quam alij hactenus cum attentionem cum benevo-
lentiam tribuistis: nobis quoque eloquentie tyronibus concedatis, Vos, Auditores
omnium ordinum honoratissimi, rogamus, sicut statuatis, neque in primis,
neque in secundis consistere eos inquam posuisse, qui a perfectione
non ab infantia et mediocritate initium esse
faciendum existimaramus.

DIXI.





P R Æ F A T I O
D. IVNII SYLLANI COS. AD R E.
LIQVOS SENATORII ORDI-
NIS VIROS.

Quoniam P. C. Collegæ optatissimi, sta-
tus Reipub. nostræ Dei beneficio pac-
tior redditus est, non modò foris à piratarum mo-
tibus, & à Mithridatico bello, cui Pompeius,
Magni nomine meritò appellandus, feliciter finē
imposuit: verùm etiam ab intestinis seditionibus
domi. Cicero enim, meus in consulatu antecessor,
furenitè Catilinæ furorē, & illam facem Reipub.
imminentem deleuit, oppressit, extinxit, non armis
aut ullo telorum genere, sed prudentia & consi-
lio. Idcirco tranquilla iam & maximè idonea
tempora restaurandis morum ruinis habemus. Si
verò quidquam est, quod in nostra Repub. post
multam licentiam emendatione indiget, hoc in pri-
mis despicerne necesse puto, quæ tandem Vera sit
Nobilitas. Eius enim idea longo abusu ita in ci-
uium mentibus oblitterata est, ut iam pridem suam
amise-

amiserit appellationem. Nam pro nobilitate fe-
rocia, pro generositate immanitas, pro alacritate
ignauia fere in precio vulgo habetur. Ut autem
hoc maiori & meliori occasione fiat, hesterna die
delata est ad me contentio, quæ ut audiatis, volo.
FVLGENTIVS vir, ut scitis, in primaria tam
virtutum quam opum existimatione constitutus,
filiæ domi habet nubilem **LCRETIAM**, for-
ma & moribus iuxta commendabilem: Hanc duo
ambiant adolescentes. **P. CORNELIVS &**
FLAMINIVS: de quorum genere, vita & mo-
ribus tum audietis, cum censueritis hanc contro-
uersiam in Senatu dirimendam esse. Pater filiæ
nubendi optionem offert, ipsa, id quod pudicæ
morigeram puellam decet, vix à parente coacta,
nobiliorem elegit: Adolescentes intellecto puellæ
delectu hesterna die me conuenerunt, & rogarunt
unicè, ut à Vobis P.C. impetrarem, ut controuer-
siam illam, quæ inter ipsos exorta est de Nobili-
tate, ut videlicet eorum nobilior esset, cognos-
ceremus, eamq; cognitâ nostra sententia dirime-
remus. Quæ controuersia quoniam Nobilitatis
questionem, quæ à plarisq; hodie non quidem im-
merito



merito controuerlitur, continet: Idcirco horum adolescentum petitione adductus, hanc horā ipsis dixi, quim si idoneā Vobis impetraverint, quemadmodum se impetraturos omnino sperant, suam eorum nobis caussam agere ipsis liceat. Quamobrem, quid vobis hac in parte videatur, & quid fieri oporteat, statuite P. C. & dandumne illis hoc sit necne, decernitote.

L. LICINIUS MVRÆNA COS.

Qvantum nobiliores sunt caussæ Status, tantum plerumq; argutiores & difficiliores esse solent. Pulchra namq; difficilia egregiè dicebat Plato; Ardua ergò & difficilis est & hæc controuersia, lubrica eiusdem probatio, difficilis veræ & fictæ Nobilitatis discretio; Nō enim hic de tribus, quod dicitur, capillis, nō de umbra asini, non de vnius oppiduli aut agri possessione, sed de gloria, de stemate, de nobilitate agitur, quibus augendis conseruandis, &c ad æternam memoriam propagādis, quisquis fuerit sui suæq; familiæ & generis amantissimus, quam à natura habet indolem, generositatem, orines deniq; corporis animiq; vires conferat, necesse est collatas impendat, impensas etiam perdat, ut suo ipse manibus gratus supersit cineri. Huius generis cùm etiam sit nunc proposita Questio, censeo maximè eandem esse auctoritatem.

M. PV*

M. PVPIVS PISO FRVGI CAL.
PHVRNIANVS.

Nec ego à modò allata sententia dissentire queo. Est sane anceps & difficilima Nobilitatis probatio; Agnouerunt hoc præstantissima Iuriis prudentiæ lumina & columina, quemadmodum hoc ex Legibus nostris videre est. Non enim directè cadit in sensum Nobilitas, sed mediante arte, siue, ut loquuntur Iurisconsulti, iudicio & indicio intellectus probatur. Quoties igitur inquiunt Leges nostræ, quoties, inquam, quæritur. Genius vel gentem quis haberet necne, eum probare oportet; Nec sine ratione; Receptum enim est hoc inter nos, ut qui sibi Generis nobilitatem propria auctoritate falso assumunt, non modò falsi, sed etiam maiestatis crimine teneantur. Locum igitur petitioni horum adolescentium, de Nobilitate contendere cupientium, omnino dandum esse censeo.

M. Valerius Messala Niger.

Non existimo, Viri prudentissimi, Collegæ optatissimi, necessarium esse, ut de Nobilitate in hoc conselu nobilissimo contendantij, quorum maiores nobilissimos fuisse certum est; Nullum enim vestrum esse arbitror, qui ignoret, quo loco & ordine tam Corneliorum quam Flaminiorum familia post hominum memoriam habita fuerit; Quin imò vterque adolescentis à pueritiâ usque ad virilem ætatem, famâ publica creditus,

A 5

habitus



habitus & honoratus est nobilis. Quæ fama emendicata non fuit cum ex singulorum imò otinum nostrorum ciuum fide coalescat. Constitutum est autem omnium Iurisconsultorum calculo, famam publicam ad Nobilitatem probandā sufficere. Verum enim verò quoniam & adolescentes suprà nominati Nobilitatem suam in dubium vocare uidentur, & volentibus teste Aristotele, non sit iniuria: Idcirkò vt & familia & Nobilitas eorum magis illucescat. pace mea hoc in loco compareant, & nobilitatem suam confirmant, modò ambagibus longis omissis breuiter id faciant, quò ad alia & grauiora nobis redire liceat negotia.

D. IVNIVS SYLLANVS COS.

Si quis præterea ex toto Ordine Senatorio quid habet, cur interpellationem bac in relatione faciat, clara voce. & quidem nulla interposita mora id agit.

Tacendo consensum, & nuturem, comprobant omnes. Quod ad me attinet neq; ego à Collegarum meorum alienus sum sententia. Certum est, adolescentum horum alterum generosa Corneliorum prosapia ortum, alterum nobili loco & ex celso animo natum esse. Iam verò satis constat, qui avos, proavos & ascendentis, & patrem habuerint

buerint nobiles, hos omnino splendidos nobilesq;
esse, baberi, & vocari debere, & generis splendo-
rem vel claritatem retinere: Accedunt insuper
illorum auita insignia, quæ ad nobilitatē gentemq;
quamcunq;
dignoscendā à maioribus nostris pri-
denter sunt introducta. His & similibus iam di-
ctis maximis rerum commoti argumentis, hos qui-
dem adolescentes ex generis antiquitate & ex
opum magnificentia nobiles esse, scimus vniuersi;
Verum quia hæc Nobilitas sæpiissimè tantum in
astragalis & in falsa fumosarum generis imaginū
estentatione, non verò in personis ipsorum conspi-
cua est: Agite Collegæ prudentissimi, uter eorum
nobilior sit, dispiciamus, vt hanc litem non vt
thesin sed vt hypothesin publico Senatus Consul-
to decidamus, ne deinceps quisquam ullo se factæ
nobilitatis vel generositatis titulo, licet nulla re
bonâ dignus pro nobili venditet.

Tu igitur præco duos illos adolescentes ac-
cessito, Senatumq; Rom: ijsdem potestatem con-
cedere, breuiter cauſsam proponendi, indicato.

Præco.

Mandatum exequar.

Interca



litterea symphonia selectior decantabatur.

Præco.

Ingredimini adolescentes; Senatus de vestra causa cognitus, vobis copiam dicendi concedet.

D. IVNIVS SYLLANVS C O S.

 *V*obis besterna à me petiſtis die, adolescentes, ut amplissimi Ordinis Senatorij pace atq[ue] veniā hanc controuersiā de Nobilitate, quam habetis, in hoc consilii & iudicio vobis propo- nere liceret: Hoc ipsum amplissimo Senatui ex- posui, qui hanc contentionem vestram, quia honesta, aqua & Reipub. nostræ commoda est, eandem non modò probat, verùm etiā vobis dicendi fa- cit copiam & potestatem, eā tamen lege, ut si- uolis & non necessarijs omissis cauſsam vestram, exclusis cunctis animi perturbationibus, propo- natis & ad propria directe respondeatis sicq[ue] cogitetis, etiam plura & grauiora nobis incum- bere negotia, quæ per vos negligere Reipub. sa- lus minimè patiatur.

*T*u ergo CORNELI cauſsam tuam, absq[ue] præiudicio tamen alterius partis, primò pro- pone.

ORA-

ORATIO
P. CORNELII, BONAGAR.
SO AVTORE.

Si ex nobis LVCRETIA nobiliorem petit,
quis vestrūm est, P. C. qui non aperte in-
telligat, ipsam Pub. Cornelio Scipioni, ex
illustri Corneliorum sanguine genito, hu-
iusmodi optionis gloriam obtulisse? Nemo enim dubi-
tat, eam esse nobilitatem, quam ex illustrium maiorum
origine accepimus: Illi enim posteris suis illam tan-
quam hæreditariū munus reliquerunt. Nam cùm rebus
clarissimè gestis, disciplina, moribus, virtute, gloriaq;̄
illustrati in Republica fuerint, & clarissimum nomen
adepti, summos honores maximosq;̄ magistratus con-
secuti, profectò ipsi suis artibus, & Reipubl. muneribus
nobiles facti sunt: quorum etiam nobilitatis recordatio-
ne omnis eorum posteritas decorata est. Nam si ex
sanguine, membris, ossibus atq;̄ visceribus nostris in lu-
cem educimus liberos, quid aliud liberi dici possunt, nisi
propriæ nostri corporis partes? Necesse est igitur, pa-
rentum gloriam in liberos tanquam in partes suas dif-
fundi, ac pariter in liberis omnem deinceps posteritatē.
Hinc parentum imagines in ipsis liberorū vultibus, tan-
quam insitæ ac ingenitæ, tanta quidē aliquando corporū
similitudine compositæ sunt, ut nihil penè dispar cen-
seri possit, ita vt plerumq;̄ in illis parentes renati videan-
tur;

B



eur: Adjiciuntur præterea nonnunquam mores libero-
rum similimi, & eadem penè ingenia, & compares vitæ
cultus: Adjiciuntur insuper educationes, continua do-
mesticæ consuetudinis & assidua dictorum factorumq;
cōuersatio, quibus assuefacti aliquādo exterorū etiam
animi alliciuntur. Quibus profectò rationibus constat
maximum robur cōsuetudinem ac naturam exercere in
liberos, vehementerq; vim suam imprimere: ita ut plæ-
rumq; vitia maiorum posteritatem suam quodam quasi
contagio deturpent, virtutes verò mirabili quodā splen-
dore decorent, atq; causa ipsa illustrent. Magna mihi
memorandi copia foret, nisi me longius distraheret, de
his, qui ex claris parētibus nati, confessim omnium opis-
nione ipsi quoq; clari nominati sunt. Quis enim honore
patris furij Camilli liberos nō clarissimos nobilissimosue
iudicauerit: qui, cum patria in hostium manus incidis-
set, solus vrbis incendium extinxit, solus R: eip. inco-
lumentem reparauit. Quis deinde reliquos, quos aut
Fabij, aut Catones, aut Æmylij generunt, non maxime
dicet gloriofissimos, quorum virute populus R: Romanus
tot maximis triumphis totiens aut defensus est, aut illus-
tratus? Quis non iudicabit nostram R: emp. eorum ma-
xime liberis debere, qui totiens pro R: ep. tot ingentibus
periculis vitâ fortunasq; omnes suas exposuerūt? Nam
si eorum parentes bene de R: ep. meriti sunt, maximos
illi honores ingentemq; gloriam attribuerunt: vtq; in-
grata foret patria, nisi illorum memoriam veluti cele-
bratissimam

bratissimam coleret. Itaq; ne maiores nostri ingrati vi-
derentur, publicis sanxerunt legibus, vt his, qui vel do-
mi hostibus, vel foris exercitibus vel prouincjhs subactis,
victri ci gloria in patriam redibant; post felices trium-
phos, quibus quasi Dij immortales honore publico effe-
reabantur, sculptæ imagines ponerentur pro rostris, & ar-
cus deniq; triumphales construerentur; quibus eorum
nomina sempiterna laude omnibus deinceps posteris pa-
terent, & egregijs titulis fierent memorandissima. De-
inde arcus illos atq; imagines meritò constitutis diebus
Populus Romanus venerabatur. Quamobrem si iure
simulacris illis tantus debebatur honor, quantus profe-
ctò eorū liberis debebitur? Ea enim sculptilia ficto quo-
dam artificio signa virorum illustrium assimilabant; In
his autem natura veras parentum imagines ostendit. Il-
li quidem inanimati lapides nunquam Reipub. prodesse
possunt; horum verò vita, imitatione maiorum mul-
tas afferre vtilitates, multis prodesse ciuib; multa etiā
propulsare incommoda. Itaq; his merito dantur digni-
tates Tribunitiæ, consulatus, Imperia, Dictaturæ, &
omnes Reip. magistratus. Et si qua rerum humanarū
est cura; postquam exutis corporibus hinc spiritus nobis
lissimi euolauerint, nihil profectò beatius, aut dulcius
eorū animis afferri potest, quam ut proprij liberi, eorum
reliquiæ, recordatione maiorum, in maximis Reip. mu-
neribus imperijsq; versentur. Videmus enim quod si
quam habent voluptatem hi qui ex hac deceidunt vita,

totā quidē ad liberos cōuersam habēt, nihil aliud sāpiunt
aut cogitant, nec sese mori arbitrantur, si quando illi su-
perstites sunt, nec omnino sese ab humanitate derelictos,
si quando in humanitate quandam adhuc sui viuentem
portionem relinquunt. Quibus de rebus si tantus in libe-
ros parentum amor, vt nullus maior in votis mortalium
cogitari possit; si tanta est eorum spes in vita, in morte
verò voluptas, atq; etiam post exitum vitæ recordatio,
manifestum esse constat, maiorum meritis maximè eorū
liberis patriam debere, illos præterea parentum gloriā
venerari & colere, atq; eām gratitudinem exercere in
posteros, quā non perfectē in parentes conferre potuit.
Hoc igitur summum est nobilitatis genus, posse maio-
rum suorum egregia facta dicere, posse sanguine censeri,
posse illorum beneficj petere honores publicos, posse
gloriā Reip. hæreditario quodam iure vendicare, posse
insuper sese partes eorum vocare, & clarissimas in suis
vultibus imagines ostendere; hanc vtiq; nobilitatem vo-
cant vniuersi. Quos enim alios nobiles appellat vul-
gus, nisi quos nobilissimi parentes genuere? Deinde hi,
qui literarum eruditī sunt, nonne nobiles dicunt & gene-
rosos, quasi in genere nobilitates sint? Hanc præterea
generis nobilitatem opum affluentia decorat, quibus fa-
miliæ ac domestici apparatus floridores sunt, exterio-
resq; amicitiæ conseruantur frequentia celebriori; utpo-
te, cum amicis, cognatis, & exteris reliquis, qui bonis
necessarijs carēt, quibusue aliorū præsidio est opus, suo
quæuis

quævis arbitrio facere, & benè facere possit. **S**ummum
est igitur fastigium nobilitatis liberalitas, quam frustrà
quis exercere ntitur in alios, cuius necessitatì sua satis
non sunt. **N**ecessitatem igitur fuerit, eum, qui volet esse li-
beralis, fortunæ bonis affluere, siquidem liberalitate no-
bilitas clarescit, fitq; plurimorum gratia & beneficentia
præstantior alijs: **Q**uæ si desuerint, pulcherrimus nobi-
litatis splendor obscuratur, & desinit quandoq; quis no-
bilis videri, cùm sapenumero liberalis esse non possit.
Quot enim doctissimi viri inopia rerum despecti vilesq;
habiti sunt: quot excelsa & generosa ingenia necessitate
rei familiaris penè inulta desertaq; interiere: quorum
virtus elucere non potuit, exposita semper ad quæstus
vitæ necessarios. Itaq; maximum præstat adiumentum
nobilitatis decori affluentia honorum: qua quidem ex-
positus advirtutem animus effici præstantior, & virtus
ipsa clarior videri possit. **Q**uibus de rebus, si in genere
atq; in opibus nobilitas est, nemo vestrûm dubitat, P. C.
quin maximus huius Vrbis splédeat in me decor nobili-
tatis. **Q**uis enim maioribus meis fortius pro Rep. pu-
gnauit: **Q**uis maius in Orbe terrarum huic ditioni im-
perium subegit: **Q**uis celerius pericula casuum nostro-
rum calamitatesq; nostras propulsauit: Alter enim de-
uictis Asiæ regibus, exterisq; nationibus subactis, æter-
num Asiatici nomen adeptus est; Alter verò flagrantem
incendio & armis Italiam, ac post Cannensem pugnam
nostris calamitatibus Urbem hanc ipsam ingemiscetem
incredibili

Incredibili virtute liberauit; Atq; illud exitiale incendiū
Barchinæ stirpis Hannibalem tot victorij exultantem,
summa primūm industria ab oris Italij reuocauit; De-
niq; armis in patriam reversum effudit atq; extinxit, vr-
bemq; illam Carthaginem, nostri semper imperij invi-
ctissimam æulam non modò ab iniuria repressit, verùm
etiam huic R eip. fortiter subegit. Vnde postea meritò
Africani nomen consecutus est, quod etiam Scipioni suo,
qui postea Carthaginem ipsam iterum reluctantem de-
leuit, quasi reliquit hæreditarium. Taceo reliquos, quo-
rum virtute aut gloria ciuitas nostra totiens decorata est.
Quorum si res clarissime gestas memorare velim, equi-
dem ignorarem exitum orationis, illasq; ideo consultus
taceo, quoniam vobis sunt nota. Quis enim hac in vrbe
locus maiorum meorum triumphalibus titulis vacuus?
quod templum est, quod in hac vrbe non ab illis iam di-
reptis spolijs reluceat? quæ delubra, quæ non illorū cre-
bras & gloriofissimas imagines ostendant? quæ tanta &
talia sunt nobilitatis monumenta, quanta, & qualia cui-
quam mortalium fas est optare. Est igitur propria no-
bilitatis possessio relicta quidem à maioribus meis quasi
res hæreditaria; sunt mihi ingenitæ eorū imagines; hos-
ce illi gestabant habitus, hæc facies in eorum vultibus
lucebat; ego illorum sanguinem, illorum membra, illo-
rum viscera, atq; illorum formas in hac compagine cor-
poris refero; ego ab illis ortus, & in eorum diu laribus
enutritus atq; educatus, moribus ac natura insitam eo-
rum

rum habeo nobilitatem. Si quid illis iure pro tot beneficiis
civis patria debebat, mihi quoque ipsorum portioni debeat
necessitatem; Si mihi honores, si imperia, si magistratus vel
trò exhibebūtur, erunt merito ipsorum mihi proprio quod
dā iure vendicata, nihilque eorum animis gratius profectō
celebrari potest. Denique ad ornatū nobilitatis opum ac
diuitiarū tantus mihi est cumulus à maioribus meis reli-
ctus, quātū cuiusque moderatus animus desiderare queat.
Sunt mihi primū paterni Lares amplissimi & ornatissimi
mi, ut ne regalibus quidem cedant ædificijs; Est mihi sub-
urbanū in Tusculano amoenitate pulcherrimum: Sunt
mihi in Campania, agrorū Coloniæ opulētissimæ, quibus
non modò vnius domus familia, sed ingens penè exercitus
nutriri posset; familiares verò apparatus, ac dome-
sticæ supellectiles, ex auro & ebore, quæ ex frequētia ferē
populus Romanus nouit. Est mihi igitur proculdubio
tot feliciū rerum dignitas, illustre quoddam ac clarissi-
mum decus nobilitatis, ut nec in hac urbe (omniū pace
dixerim) fortè maius inueniri possit. Sileat itaque Flas-
minius, & in hoc certamine nobilitatis desinat petere
Lucretiā non modò me genere & opibus inferior, cuius
penè originē nescimus: & vix ipse, ubi agellum habeat,
agnouerit. Mea igitur iure nobilis Lucretia est, quæ me
Flaminio nobiliore, ac suæ pulchritudinis meritū elegit.
Tu verò sapiētissima dulcissimaque Lucretia latare: non
enī carior aut fortunatior spōsus optari poterat, quiue
tui amātior foret; aut cū quo felicius aetate ageres. De-
ducā te in amplissima celsaque atria nostræ domus; videbis

coniugales toros, quasi regias pulchritudines; feres or-
namenta puellarum electissima, qualia tu ipsa optare po-
teris; nullus tibi erit popularium exercitationum labor;
vitam dulci ocio produces, neque somnum quotidiana
questus solicitudo interturbabit; viues liberaliter, ut vo-
les; iocari, cantare, psallere, venari, universum tibi stu-
dium erit; habebis comites tuarum voluptatum vir-
gines ac pedissequas, quae singulæ votis tuis obtempera-
bunt; nullus tibi dies delectationum vacuus praeteribit;
noctes simul felicissimas agemus. Quæ omnia frustra
Flaminius pro te, cum ipse illis careat, ex inopia sua
spondere poterit; quinim tibi cum illo futura esset vita
omni miseria tristior. Nam pro regnus ædificijs, angusti-
lares exhiberentur; pro magnificis apparatus, supelle-
ctiles populares; pro ocio, solicitudines; pro quiete,
labor; pro somno, vigiliæ; nullus tibi dies liber à la-
boribus, immunisque quotidianarum operarum esset. Quis
igitur dubitat, quod me Sponsū optare voluisti, cum no-
biliorem elegeris? vix tua hac sapientissima electione
apertiùs loqui poteras, quam si Cornelium appellasses.
Cautè autem & desiderio, & pudicitia tuæ consuluisti.
Nam cum pro puellari honestate puderet Cornelius dice-
re, me nobiliorē vocasti; Imprudētissimum est, aliud æsti-
mare. Quis. n. credit, te pro tranquillitate solicitudinē,
pro opulentia inopiā, pro felicitate miseriā desiderasse?
Vos ergo, P. C. pro magnitudine Senatoriæ dignitatis,
quam iam de his rebus sententiam dicite. Duxi.
D. Iunius



DIVNIVS SYLLANVS COS.

Licet tibi quoq; **F L A M I N I**, pace omnium
nostra, tuam declarare generositatem.

O R A T I O

C. FLAMINII, BONAGARSO
A U T O R E.

Magna mihi gratia est, P. C. cùm de Nobilitate Orationē habiturus sim apud vos atq; animos vestros nobilissimos; Nusquā enim alibi tantum notata & exercitata Nobilitas est. Itaq; hoc mihi iucundissimū est, quòd in tanta quiete animorū, in tanta rerum cognitione, in tanta Virtutis frequentia, nihil iniurium expectari, nihil obscurū dici, nihil deniq; inusitatum tractari potest. In hac verò controversia, P. C. nova quidem & insveta, vigilantiūs entendum est, quām in privatis reliquis cōtentionibus. Non enim hæc duorū modò civium, aut unius tantum diei, sed omniū penè gentium atq; seculorum quasi spectata & æterna Lex sanctissimo quidem vestro Senatus consulto promulgabitur. Videtis enim, præter consuetudinem, maximam hodiè in hoc iudicio totius Populi Romani expectationem; videtis omnium civium & exterorum ora in vos esse conversa: his non modò periucundum est vide utrius iam nostrū Lucretia esse debeat, sed etiam uter nobilior iudicandus sit. Vos igitur ac numen vestrum oro atq; obtestor, rei magnitudinē animadvertisse:

C

Quanquam



Quānquam in omni re p̄ariter iustitia servānda sit, tum
verò maximè considerāda, cum de summis ac de specta= tissimis rebus agitur. Mihi autem quæso, P. C. solito
acriùs oranti, aut pr̄ater consuetudinem meam Virtutē
fortunasq; meas commemoranti, pro mansuetudine ac
patientia vestra indulgete. Non enim v̄sitatū mihi offi- cium est, de me ipso prædicare, aut cuiquā maledicere;
hoc enim immoderati est animi, alterū impatientis; ve- rū ad id primū me cogit nouum hoc dicendi genus,
deinde huius insolentia Cornelij, parum honestē de me
antea loquentis, cui cūm modestiam meam verbis laces- sere libuerit, hoc mihi æquē adjumentum dedit, vt fortis- ter mihi impudentiam ipsius contemnere liceat.

Audistis. P. C. nobilissimæ Lucretiæ sapientissimā optionem, vt nostrū nobiliorem elegerit. Ausus est itaq; Cornelius, vt se nobiliorem faceret, in Genere, atq; Opibus asscribere Nobilitatem; Propterea maiorum suorum fortia facta narravit; ingentesq; sibi opes à pa- rentibus suis relietas latè patefecit. Hæc tota Oratio e- ius tantum continuit; de se verò nihil commemorans, quoniam nihil commemoratu dignum videbat, vitam moresq; suos silentio præteriit. Ego verò non in alie- na gloria, aut in falsis fortunæ bonis, sed in propria ve- raq; animi virtute hominis nobilitatem esse existimo. Nihil n. aliud est Nobilitas, nisi excellentia quædam, qua digniora indignioribus prævalent. Sicut igitur ho- mo animi præstantiâ nobilior omnibus animantibus: ita quadam

DISPONENDO



quādā claritudine animi homo homini antecellit. Nam
cum in optimis artibus diu exercitatus animus iustitia,
pietate, constantia, magnanimitate, moderatione, pru-
dentia claruerit; cum bene de Dīs immortalibus, de pa-
rentibus, de amicis, de cognatis, atq; de Rep. meruerit;
cum in sanctissimis literarum studijs educatus fuerit;
tum profectō pr̄ter c̄teros, nobilis, pollens, illustris,
& clarus habetur; quod & Cornelius ipse, cum de maio-
ribus loqueretur, paulo antē dicebat. Contrā verō cum
pessimis artibus corruptus, ad nequitiam ac crudelitatem,
ad ignauiam & socordiam, ad intemperantiam atq; iniu-
sticiam se tradiderit; cum nulla fuerit rerum divinarum
cura, aut parentum pietas, aut amicorum benevolentia;
vtiq; apud omnes miser, ignobilis, turpis, abiectus iudi-
cabitur. Constat igitur, ex sola animi virtute veram
Nobilitatem desluere. Non ergo diuitiarum cumulus,
aut generis amplitudo dare aut eripere nobilitatem po-
test. Est enim propria Nobilitatis sedes animus, quem
imperatrix illa rerum omnium natura non ex maiorum
peculiari hæreditate, sed ex fastigio illo divinitatis ab o-
rigine quidē cunctis æquè mortalibus infundit, statuitq;
illum quasi vitæ hominis principem, ac veluti quandam
speculi lucē, cui si pulchras imagines ostēderis, pulcher-
ritas quidem referet; si verō turpes, vtiq; turpissimæ
videbuntur. Sic itaq; mortalium animus est purus qui-
dem ac liber, & ad suscipiendam nobilitatem ignobilita-
temq; dispositus. Nemo in hoc optimo atq; pr̄stantis-

simo munere humanitatis naturæ largitionem accusare
potest; æqvalem enim singulis hunc animum præbet;
neq; genus, neq; potentiam, neq; divitias animadvertis.
Nec quisquam tam inops, tam vilis, tam abiectus est, qui
ab initio nascendi non parem cum Regum aut Impera-
torū filijs habeat animum, qui non illum splendore Vir-
tutis atq; Nobilitatis gloria decorare possit. Nō egeo
fortè in hac cauſa frequentissimis exemplis. Quid dicam
de his, qui humili loco, parentibus abiectis orti, confe-
stis clari nobilesq; evaserunt: qvorum mihi tanta uber-
tas affluit, ut ad dicendum hic dies satis non videatur.
Attingam pro-re paucissima, & primūm nostræ Vrbis
adolescentiam. Ortus Tullij Hostilij nōnne agreste
tugurium habuit: cuius parentes penè incogniti sunt,
nōnne diu illi pascendi pecoris cura fuit: deinde nōnne
tantum illi claruit ingenium, vt ad summum fastigium
huius Vrbis tunc imperium perduxerit: Hic etenim
Vrbem ampliauit, & Veientes & Fidenates, patriæ
nostræ inimicissimos, Populo Romano subegit. Nōn-
ne Servius quoq; Tullius, in servitute natus atq; adul-
tus, summum etiam huius imperij fastigium habuit:
in quo tam egregiè versatus est, vt & Sabinos subigere,
& ter triumphum agere, & tres montes huic Vrbi ad-
jungere, & dignitatem magistratum augere meritus
suerit. Marcus verò Porcius Cato, à quo Porciæ gen-
tis proles cognomen atq; originem traxit, apud Tuscu-
lanum vicum, agresti quidem tugurio natus est, huius
tamen

tamen tanta fuit in hac Urbe dignitas atq; autoritas, vt
omnes seculi sui præstantes viros antecelleret; profectò
clarus & Reip. salutaris, non minùs etiam literarum,
quam militiæ curiosissimus. Hic in tanta civiū veneta-
tione fuit, vt sapiëtia sua Senatorium ordinem auxerit,
& ipsam quoq; Senatus maiestatem suo splendore deco-
raverit. Nonne Marium Arpinatē humi super crepi-
dinē iacentem, à parentibus infimis ortum, vitam penè
sordidissimam traxisse novimus? deinde tanta in eo vir-
tus & probitas floruit, vt in bello Iugurthino primùm
Metelli Consulis Quæstor fuerit, deinde ipsi in Consu-
latu successerit, in quo tam fortiter versatus est, vt Iu-
gurtham ipsum & Bocchum Mauritanæ Regem, qui
auxilium Iugurthæ attulerat, primùm viçtos fugauerit;
deinde multa oppida Numidiæ ceperit; tandem capto
Iugurtha, & Romam ante currum perducto, ingenti
gloria triumphauit; postea, cum Cimbri copias Roma-
norū disiecerint, ita vt timor Romæ grandis oriretur,
quantus vix Hannibal tempore fuerat, ne rursus Galli
terram invaderent, iterū contra Cimbros Marius Con-
sul designatus est: & Consulatus etiam, quia id bellum
protrahebatur, pluries ei delatus est; Quibus tandem
victis & disiectis, secundò Romæ triumphū egit. So-
cratem verò, vnicum humanæ sapientiæ decus, cuius
doctrinâ omnes philosophatiū Scholæ illustratæ sunt,
quo nemo unquam mortalium doctior aut sapientior
Apollinis oraculo iudicatus est, mater obstetrix, & mar-

morarius pater genuere. Euripides autem, qui tragicum carmen elegantissimum condidit; & Demosthenes Philosophorum illustrium, & Græcorum Oratorū eloquentissimus, ambo parentes non modò viles, verùm etiam ignotos habuerunt. Quis igitur ingenij compos tam illustrium virorum claritudinē sordidam aut ignobilē dicere ausus erit? Necesse est enim, aut nusquam in mortalibus esse Nobilitatem, aut illos omnium fuisse nobilissimos, quorum ingenia, vires, industria, & omnium optimarum artium disciplinæ non modò præter ceteros floruerunt, sed penè usq; ad divinitatem perduxerunt. Neq; tibi licet contradicere, Corneli, qui maioribus tuis ex his virtutibus par initium nobilitatis dedisti. Non igitur contrahitur ex genere Nobilitas, verùm ex inserta animi virtute; aliās nunquam illi fuissent nobiles appellati, quorum ortus tam humilis, tam tenuis compertus, sicut nec contradicere possumus; Multi enim, ex clarissimis viris geniti, adeò flagitosè & turpiter viserunt, vt eos non modò non illustres, verùm obscurissimos vocare meritū sit. Referam primò sordidas majorum tuorum reliquias. Superioris Africani filius Scipio nomine, paternam probitatē ignauia superauit: qui ab Antiocho Rege turpissimè captus, supplex ac vincit manibus precarium vitæ spiritum rogauit; Hic postquam à Populo R. non quidem suo beneficio, sed Circei, qui patris scriba fuerat, Præturam semel impetrasset, adeò propinquorum suorum fauorem habuit, ut nihil

ut nihil unquam dolentius audierint, cum vererentur,
ne aliquo flagitio dignitatem publicam labefactaret, &
ita Corneliorum familiam pollueret; nunquam illum
ius dicere, aut Praetoriam sellam in publico ponere passi
sunt; tantam sciebant in eo imprudentiam atq; socor
diam. Publius etiam tuus Scipio Bestia, cum in Nu
midia contra Iugurtham Consulem ageret, isq; Rex
Adherbalem & Hyempalem, Regis quondam Micipse
filios, amantissimos P. R. in contemptum Senatus inique
trucidauerat, sic ignave exercitum duxit, ut nunquam
copiae nostrae miseriuss ac flagitosius vicerint: deinde
Consul ipse, à Iugurtha pecuniâ corruptus, pacem cum
eo fœdissimam fecit, quam illico Senatus reprobauit;
is vero Consulatu repente abdicatus est. Quid hac igno
minia turpius aut detestabilius inveniri potest? Quid
dicam de impudicissimo adolescenti Q. Fabij Maximi
Allobrogis filio, qui cum vitam miseram & petulantissi
mam ageret, non profuit paterna claritas, quin ipsi
Quintus Pompeius Praetor extra urbem ad instar furiosi
bonis paternis interdiceret? Quid dicam de Corbio ne
pote Q. Hortensi, viri quidem in civitate nostra & au
ctoritate & eloquentia clarissimi: qui ad tantum vita
dedecus luxu atq; libidine deductus est, vt medij se lu
panaribus publica penè impudentia prostituerit. Pu
tasse, Corneli, hos nobiles esse appellandos, quorum vi
ta eò miserior fuerit, quò præstantius lumen nobilitatis
extinxerunt? Quid si aurum suorum egregia facta præ
dicarent?



dicarent? quid si parentum imagines ostenderent? aut domesticas educationes commemorarent? an putas, id quicquam laudis eorum flagitij afferre? Enim uero tam rectius dices, turpitudinem suam detecturos, eò profectò deteriorem culpabiliorēmque, quod Virtutis exemplum, quod ante oculos habebant, miserè & nequiter deseruerunt. Neque ullum censeo meritum talibus liberis ob beneficia parentum honesta in Rep. deberi, quando illi erant ornamentū civitatis; hi verò turpissima fex & labes Reipublicæ; illi quidem Patriæ honorem atque in columitatē afferebant, hi verò sapè dedecus atque peri, cula civium conglutinabant; illi etiam varijs cladibus collachrymantem Patriam, aut dubijs quandoque periculis nutantem, virtutibus atque industria liberabant, hi verò pacatam aliquādo ac requiescentē scelere ac nequitia turbare atque evertere nitebantur. Qualia igitur in civitate ab ejusmodi hominibus collata sunt merita? an nos satius Rep. foret, huiusmodi civibus careres, an non eorum parentibus dulcius, non genuisse? Si etiam ad eorum animas taliū liberorum nomen perveniret, cum maximè in vita patriam dilexerint, illos quidem è societate mortaliū delendos, & in ultimos cruciatus, veluti perniciosos & inutiles cives, abiiciēdos putarent? Multi enim in hac Rep. scelerati liberi, sententiā patrum varijs supplicijs damnati sunt. Cuius rei exemplum est primus vindicta libertatis Brutus, qui consciens coniurationis filios necari iussit; Item & Cassius, qui filium afferantem

& antem imperium Populi Romani cæsum verberibus
interfici mandauit; Deinde Manlius Torquatus, civis
noster clarissimus, qui cum filius eius Decius Syllanus
de pecunij repetundis apud Senatum accusaretur, solus
causæ cognitionem suscepit; comperto postea crimi-
ne, ita de filio pronunciauit: *Cum Syllanum filium*
meum immeritū pecuniam in provincia diripuisse
constet, non iniuriā paternis laribus, & Reip.
munere, & omnium civium societate indignū iu-
dico, & deinde illum à conspectu meo abire iubeo.
Non est igitur mos optimi patris, flagitosos liberos di-
ligere, verū abhorrere & abhorrere. Nullum ergo bene-
ficij paternis meritum illis in patria debetur; siquidem
in illis nullum meritū, nulla paterna enitet virtus. Sic-
ut enim splendor nunquam in obscura speculi facie re-
lucet; ita nec in pernicioſis ac sceleratis liberis maio-
rum virtus splendere potest. Frustrà igitur, Cornelii,
putas, maiorum gloriam in posteris hæreditariam fieri,
& Nobilitatem quasi peculium relinqu. Virtus enim,
ac virtutis socia Nobilitas, proprio labore quæritur, nec
cum vitij constare potest. Omnis igitur iactantia gene-
ris alienam laudem prædicat, non suam; & si sanguinem,
artus aut viscera posteri à maioribus claris accipiunt,
superuacuè illorum vendicant Nobilitatem, cuius pro-
pria sedes est animus, cuius pars nulla posteris relinqu-
tur; exteriora vero corporea sunt, & simul cum vita

D

extinguun-



extinguuntur. Deniq; si illos erudit generosos vocant,
vtiq; recte inquiunt, si probi sunt; tunc enim generi si-
milem vitam agunt; Tu verò id præteribas, Cornelis,
quod si ignavi sunt, aut socordes, eos erudit degeneres
vocant, quasi à gloria & nobilitate generis alienos; Ex
quo perspicuum sit, à nobilissimis patribus etiā degene-
res educi posse. Nec, quid in hac caussa censeat ignarū
vulgus, astimandum reor (quod maximos sæpè in er-
rores dilabitur) cùm opinioni rarò cum sapientia con-
veniat. Nunc verò ad nobilem & gloriosam pauper-
tatem perveniamus. Quis enim M. Agrippa pauperior
fuit: viro quidē præstanti ac lumine nostræ Reip. clæ-
rissimo, cuius, dum publici census instituerentur, nihil
in patrimonio inventum est, quod in ærarium deferri
posset. Nōnne Valerio Publicolæ, qui ter Cōsulatum
gessit, semper gratissimus Reipublicæ, funus ex publico
constitutum est, quia nullam in morte pecuniam relis-
querat? Quintum Lucium Cincinnatum, vitam ruri
agentem, ac serentem agros, nōnne ad summum impe-
rium Populus Romanus vocauit? qui vir tantæ virtu-
tis fuit, vt cum Prænestini ad mœnia Vrbis castra posu-
issent, non modò Vrbem obsidione liberauit, sed eos in-
genti robore depulsos apud flumē Alliam fudit, deinde
octo Civitates, quæ Prænestinorum sociæ fuerant, atq;
ipsum Prænesti aggressus in deditonem accepit; quæ
omnia viginti tantum diebus ab ipso cōfecta sunt. Quā-
ta deinde fuit Attilij Serani gloria paupertas? quem,
cum esset

cum esset semen agro spargendum, ad Consulatū suscipiendum Senatus revocauit: Ille deposito aratro, tam fortiter hostium copias deleuit, ut salutem Rēip. conservaret; Neq; dignitas Consulatus, neq; delitiæ civitatis, neq; adeptæ in bello opes eum continuerunt, quò minus ad dulcem suum agellum atq; ad rusticū charumq; opus suum rediret. Hōsne igitur clarissimos viros, quorum excelsis animis tantus splendor virtutis relucebat, in paupertate atq; inopia viuentes, ignobiles, aut miseros dicemus: Eritnè quisquam tam rationis expers, qui non illos nobilissimos vocet, quorum meritis nobilitas Rēip. servata est: Patet igitur, vt cum Nobilitate paupertas, & cū paupertate Nobilitas cōstare possit. Nec quis putet, honesti & gloriosi pauperis nullam esse liberalitatem; Cum enim viri illi clarissimi, patriam tuebantur, atq; ei nova imperia quārebant; cum in pulcherrimis Rēipub. muneribus amicorū opportunitatibus subveniebant; cū ciuitū iniurias propulsabant, nōnne sumum id liberalitatis genus videbitur? Eum, qui ex peculiaribus commodis liberalitatē exercet, equidem non vitupero, sed in paucis potest esse liberalis; Necesse nō est, vt ad beneficiendum tantō impotentior fiat, quantum expatrimonio detraxerit; At qui in rebus publicis ac privatis ope atq; officio prodesse nititur, tantō hic esse liberalior potest, quantō in Rep. auctoritatem maiorem, & quò plura amicorum præsidia frequentibus beneficijς adeptus est. Magna ergo potest esse, Corneli,

D 2

honesti



honesti & clari pauperis liberalitas; Nec inopia quidem ab illo adimit Nobilitatem. Nullū enim virtutis gradum aufert modesta paupertas. Namq; hoc pulcherissimum munus hominibus æquè à natura tributum est, ut quisq; virtutem consequi possit, cuius sedes in penetralibus non sita est. Nam nulla sors tam dura est, aut tam acerba, quæ quidem homini virtutē eripere possit; nec vlla tam florens, aut iucunda; quæ ignauo aut socordi gloriam possit afferre. Nam si fortuna virtutis imperium haberet, vtiq; non esset virtus, neq; ullum virtutis meritum; Non n. nostra foret, sed aliena rerum benè gerendārum electio. Quamobrem desine iam, Corneli, existimare, quod virtus, liberalitas, ac nobilitas in affluentia divitarum originem habeant. Desinet enim cum eo esse Nobilitas, qui opibus nō abundat. Vera autem hominis claritudo nulli casui subiecta est; Item viri illi excelsi, quos suprà memorauí, nunquam in paupertate illa nobiles fuissent; quorum tamen nomina, quasi omnium saeculorum memoriā celebratissima, Populus Romanus veneratur. Quibus de rebus P. C. si clarissimi viri flagitosos liberos aliquādo educunt, si ex abiectionis parētibus liberi aliquando oriuntur gloriofissimi, si in paupertate atq; inopia vivētibus maximus nonnūquā refusit splendor virtutis, manifestū est, nullam esse divitiarū aut generis nobilitatē: verū animus liber & ingenuus, nulli flagitio ac turpitudini seruiens, atq; in optimis artibus exercitatus, profecto nobilis, clarus, pollensq; haberi debet.



debet. Itaq; cum de Nobilitate agimus, tota inter nos
de Virtute contentio relinquitur. Quia in re nullum, P.
C. alium pro me dicentem non modo non antepono, ne
cum de meis loquar virtutibus in vitium procacitatis
incidisse videar, sed hoc mihi periucundum est, quod
æquissimos animos vestros, & mansuetudinem humani-
tatemq; vestram intueor, qui vtriusq; vitam omnes in-
telligitis: Vnde nec falsa vobis prædicare possum, nec
vera mihi obesse debent. Ego igitur, ubi ab infantia
adolescere coepi, ætatem meam omnem dulcissimis lite-
rarū studijs accommodavi: Deinde aliquatùm pubescen-
tior factus, magnam adolescentię meę partem in Philo-
sophia consumsi, cuius doctrinā nescio quid in vita mor-
talium laudabilius inveniri possit: in quo studio non
modo Latinos Præceptores habui, verum etiam Athe-
nis illarum optimarū artium Græcos Principes audire
libuit, in quarum disciplinis quantum profecerim, alio-
rum sit iudicium. Ego de me sine arrogantia tantum hoc
dicere possum, quod nulli mihi vñquā dies vacui, neq;
vllæ illucubres noctes periēre: Erat infusa mihi quædam
à natura sciendi cupiditas, vt nihil recti cognitione di-
gnius ingenio meo iudicarem: affluebat vndiq; mihi co-
pia Præceptorum, & celeberrimæ discipulorū societates,
inter quorū sapientiam educatus, nullatenus effici potes-
rat ignavus ac indoctus animus: ac tanta fuit tum mihi
doctrinarum ac bene vivendi exercitatio, ut nihil nunc,
quod inhonestum sit, desiderare queam. Itaq; vitia na-

turæ meæ non modò molesta , verum etiam si contraria
facta sunt , dulcissimæ verò sociæ virtutes . Deinde , cum
intelligerem , præclariora tum fore mortalium ingenia ,
cum ad Remp. accommodantur , totum memet patriæ
concessi , nunquā postea illius salutem & amplitudinem
e cogitare desij ; nihil laborum pertimescens , nihil peri-
culi , quod illi gloriam & incolumitatem parare posset .
Itaq; dum proximis superioribus annis vndiq; à Piratis
maria infestabantur , & Cn. Pompeius vir clarissimus
Romanæ classis imperium gereret , & mihi decem ex-
rostratis navibus concessisset , vt contra comitē cujusdā
Piratarum alterius classis ducem confestim dimicarem :
nōnne illum ingenti conatu resistentem cum omnibus
eius copijs summa ope superauis . Nōnne in bello Mi-
thridatico eiusdem Imperatoris miles totiens vallarem ,
totiens muralem , totiens civicam coronā habui ? Nōn-
ne aliquando etiam exercitus Quæstor fortissimas sæpe
hostium acies deleui ? Nihil profectò adolescentiæ meæ
defuit , quod non adeptus sim , quod infra Consulatum
militaris gloria cuiquā afferre potest ; & ita clarus ado-
lescens vixi , vt cum senescam , non inutilis Reip. civis
vixisse videar . Quantus autem mihi sit amicitarum
cultus , vos dulces amici mei , qui vndiq; hīc astatis simul ,
hactenus novistis , quorum opportunitatibus nunquam
defui , tum in foro , tum in ordine , tum in singulis priva-
tis publicisq; rebus cuivis roganti assistens ; nulli vñquā
hominum meorum beneficiorum parcus ; fidei , pietatis ,
atq; amor

atq; amoris affluentissimus. Quām obrem (vt in cunctis
amantibus animis euenire solet) omniū mihi gratiā bene-
volētiām p̄ cō junxi: Nemo est in hac Vrbe, quinimo in
Orbe terrarum, quem vñquā me odiſſe norim, niſi fortē
Populi Romani sit hostis. Hæc deniq; summa est meo-
rum operum; in Republica semper curiosissimus, foris
officiosus, domi iucundus, in studijs vigilantissimus, in
parentes pius, in propinquos charus, in amicos fidelis, in
rebus verò diuinis semper veneratissimus esse studeo. His
itaq; artibus me semper putaui Nobilitatem consequi
posse, his virtutibus existimauī clarum effici animum, ac
profecto, Cornelii, tuo clariorem. Quales enim tui mores
sunt? quales vita habitus? quid vñquā in vita meritus
es, vt ante me Nobilitatē vendicare velis? quod vllum
vñquam abs te nostra Respub. beneficium novit, qui
haec tenus in ea ita vixisti, vt in suis commodis nondum
te natum esse intelligat? Quis est mortalū, qui vñquā
tuo patrocinio sit vſus? In quem vñquam hanc, quam
adeo extollis, liberalitatē exercuisti? niſi fortē in mere-
trices aurum omni in pudicitia profuderis, quibus sem-
per domum tuam illam clarissimam, & familiam tuam
omnē circumseptam habes: Existimas tum clarus fieri,
cum tubis & cantibus illorum scortorum gregem ducis?
atq; in voluptatibus tuis illorum turbā te vndiq; circum-
septum vides? cum inhonestis amplexibus, turpi luxu,
ac fœdis ebrietatibus colluctaris? At cum nō ita vivas,
vt maiorum tuorum egregia facta prædicasti; fatebor
quidem,



quidem, in nostra civitate illorum claritudinem maximam celeberrimam floruisse: verum hac recordatione tu tuam imprudens ignaviam detegis. Nihil enim detectabilius est, nihil miserius, quam in tanto splendore virtutis etatem adeo cæcam atque obscuram ducere. Praetebant enim tibi illi maximarum rerum exemplum, & ad bene de Repub. promerendum, veluti ante oculos illustrissimum tibi iter ostendebant, ut facilimum tibi fuerit, in tanto maiorum fulgore clarescere: Tu vero quasi clara luce medias in tenebras demersus es. Deinde putas in Repub. eorum meritis nitere, cum tu illam tuis flagitijs deturpes? Putas te illorum beneficijs claritudinem consequi, cum tu ipse ignavus sis? Putas somno, quiete, ocio, vino, epulis, libidine atque impudicitij glosiam acquiri? quam illi tot laboribus, vigilij, contingenij, fame, siti, astu, algore, casibus atque periculis conquisiere? Vehementer erras. Necesse est, ut, si egregijs titulis fulgere cupias, tu te ipsum facias illustrem: Frustrè in bonis hereditarijs Virtus queritur. Inquire maiorum tuorum libellos, & mensularias rationes; nunquam tibi Virtutes ibi descriptas invenies. Dicis, eorum nunc exutis animis nihil esse iucundius, quam ut te illorum sanguinem atque amorem omnes Reipub. dignitates collant & venerentur: Ego vero arbitror, si te nunc ex illo fulgore luminis prospectat, nihil eorum gloriose spiritibus detectabilius esse, quam quod tam diu flagitia tua haec claritudo patriæ sustinuit; à qua, si hinc viventer, te iam ipsi omnes

ipſi omnes repente vnā procul abieciſſent. Nec pudet
(ō Dī boni) quōd cū illis educatus ſis, dicere, cūm a= deō turpiter & ſpurcissimē vixeris, vt inter lupanaria vixiſſe videariſ: Aſſeris, illorum imagines in tuo conſpectu reſucere? An ignoras, quōd ſocordiā tuā illorum gloriā viciſti. Itaq; in tenebris tuis amplius eorū ſplendor niteſcere non poſteſt. Deinde ampliſſimis laribus, pulcherrimis ſuburbanis, opulētiffimis colonijs Nobilitatē hanc tuam decoratā facis; meām verō mediocrem ſupellecſilem, domum popularem, angustum agellum, honestam paupertatē vituperas; ſed neſcis miſer, quāto tibi illa dedecori ſint; mea verō mihi quām ſint præclarā (pulchrius eſt enim mihi in tenuiſſimis rebus florere, quām tibi in apparatus maximis ſordescere) quanquā ego & publicis magiſtratibus, & ope militari maiora quidem habere potuiſſem: nec volenti mihi vnquā honesta opes deeffe potuerunt. Sed quia nihil ſupra honestatē cupio, dulci frugalitate mea contentus ſum; ſatis eſt habere, quantū cupiam; ſatis eſt cupere, quantū honestum ſit; quicquid ſuprā quaeritur, luxuriæ cedit. Quid amplius deſiderandū eſt in vita, niſi vt moderate vivamus? Quæcunq; autem ad ornatum divitiæ conglutinantur, ſupervacui laboris ſunt. Sit Virtus pro decore illustris animi, non comtæ ſupellecſiles; ſplendeat egregius vir inter quæcunq; vilissima, non autem miſer inter ſplendidiſſima vilescat, non vereatur quis rerum inopia virutem amitti; nihil modicum eſt, benefacere volenti.

E

Qui non



Qui non sit clarus, seipsum accuset: impie enim de for-
tuna queritur. Quibus de rebus, desine iam Corneli, in
his tuis opibus gloriari, quæ potentiorē socordiam tuam
faciunt: desine frugalitatem meam contemnere, quæ cla-
tiorem virtutem meā reddit: desine Nobilitatem in bo-
nis fortunæ ponere, quoniam caduca & aliena sunt. Est
quidē cum Virtute Nobilitas, & cum Nobilitate Virtus
locanda. Hanc tu Lucretia, splendor ætatis nostræ, ve-
ram Virtutis Nobilitatem nosti, quam tu admirabili in-
genio adepta es: Tibi non ineptiæ puellares, non mulie-
bres ornatus, non comta monilia, non splendidæ vestes,
non festivi chori cantusq; placuere; singula quidem in
citamenta luxuriæ; verūm Philosophiæ ac liberalibus
artibus dedita, cōtinentia, laboribus, pudicitia, vigilij,
solicitudine, vitam omni Romana iuventute celebriore
ducis; hac tu sola nobilitate mihi placuisti, hac ego me
tibi placuisse intelligo. Nihil enim in rebus humanis o-
ptatius est & amabilius, quam similis illustriū virorū ami-
corumq; affectus, & par recte vivendi cupiditas; Nihil
infestius aut odibilius, quam cum aliis ad clarum virtu-
tis splendorē evolat: alius ad turpes vitiorum volunta-
tes dilabitur. Itaq; cùm ego parem tuis moribus, Cor-
nelius verò dissimilē vitam agat, profectò, vt me vehe-
menter ames, illum verò acerrimè oderis, necesse est.
Qualis .n. tibi cum eo esse potest vitæ iucunditas? Tu
celeberrimis studiorum ocij̄s intendere velis; ille veiò
literarū inimicissimus garrulas luparum voces ebrieta-
tesq; suas

tesq; suas interstrepere? Tu domum honestate & pudicitia nitentem conspicere; ille verò libidine ac luxuria debacchantem intueri? Tu inter eruditissima semper ingenia de mirabilibus rerum caussis, de siderū motibus, de morum disciplinis concionari; ille inter suas mere tricū turbas de cunctis flagitij; ac turpissimis voluptatibus, quasi in his artibus egregius orator, prædicare? Quando igitur inter tam dissidentes animos pax unquam aut concordia esse potest? Ego verò in pacificos meos lares tuam continentia, dulcis Lucretia, deducam: qui tametsi supervacaneis artibus pleni non sint, tamen virtute, mōribus, iucunditate & omni pudicitia relucēt. Ibi primum confertissimam librorum bibliothecam meā videbis, in qua semper omnem spem meam detuli; hīc omnis meus est ornatus, hīc coniugales tori, hīc splendidae quidem meae supellectiles; ibi quos voles aut Græcorum aut Latinorum commentarios leges, ibi sāpē simul de summa nostræ Philosophiæ disputabimus: Re petam tibi aliquādo, quas mirabiles Atheniensium Philosophorum præceptiones audīvi, quorū quidem dulci memoriā delector; Nulla te vñquam ab his oc̄js familiariū rerum solicitude detrahet; Satis enim quotidiani victus exprobratus mihi agellus assert. Quod si quis illum casus eriperet, Virtutem mihi eripere non poterit, qua mihi mille ad vitā commoda aditus patebunt. Itaq; in altissimis tuis studijs fruēre oc̄js, quibus voles; nemo tibi inter quietem beatas cogitationes tuas obturbabit:

E 2

Nullus



Nullus tibi aderit scortorum strepitus, aut timor teme-
rarij coniugij, quod etiam castissimos matronarum ani-
mos turbare solet. Neq; tibi etiam amantissimi & dul-
cissimi amplexus deerunt; Neq; hoc pudicitiam lēdat:
Est enim divina quādam religio ad conservandum ho-
minum genus coniugalis cum virtute amor copulatus;
Nulla deniq; votis tuis cōtingere felicior fortuna posset.
Quid enim beatiūs est in rebus humanis, quām in tran-
quillissima iucūditate, virtute & moribus vitam agere:
quid dulciūs, quām posse optimis ac pulcherrimis cogi-
tationibus ferum ingenīū alere? Quid iucundius, quām
cum eo vivere, quem aq;ē ac te p̄aclara desideria de-
lectent.

Vos autem P. C. in quorum animis sapientissimis
tantæ ac tam spectatae rei judicium sedet, nunc tandem
experciscimini, & contentionis summam animadverte-
te. Contendimus namq; de Nobilitate; Satis vtriusq;
vita, fortunæ, studia, mores vobis hactenus noti, ac
nunc breviter memorati sunt; Vnus hic tandem con-
troversiæ exitus; hodiè quidem cum impudicitia con-
tinentia, castitas cum libidine, magnanimitas
cum socordia, eruditio cum inscitia, virtus
cum ignavia cōtendit; vter nostrūm
nobilior sit, P. C. in vestra
sententia relinquitur.

DIXI.

D. Junius

D. IVNIVS SYLLANVS COS.

Secedite paulisper adolescentes, & Patribus
consultandi locum date.

Gaudiuimus P.C. utriusq; adolescentis Oratio-
nes, qualis quisq; vir sit, Orationes indicant:
Nostrum jam munera atq; officij erit, singula causæ
momenta diligenter perpendere, &, pro quo fe-
renda sit sententia, studiose, accuratè diligenterq;
inquirere. Quia enim Populo jus dicimus, id-
circò à nobis abesse debet in judicando temeritas,
& inconsulta judicandi ratio. In hac igitur gra-
vi, ardua & perplexa de Nobilitate controversia,
vestram, P. C. prudentiam, fidem, doctrinam &
industriam requiro, vt q; mibi in inquirenda verita-
te pro more & consuetudine adfisis, volo, sic nāq;
veritate cognita, quod causa petit, jus postulat,
æquitas flagitat, sine justa cujusquam litigantium
indignatione, sententiā nostrā decernere & defi-
nire poterimus.

Tu ergo L. LICINI MVRÆNA,
Consul & Collega honorande, tuum in primis de
E 390. mūlky of præsentij



*præsentis contentione judicium interpone, & quid
bac in re statuendum sit, decerne.*

L. LICINIVS MVRÆNA.

NON equidem ignarus sum, Deci Syllane Consul, vosq; P. C. amplissimi atq; prudensissimi, quam grave sit primò sententiam dicere; gravius, in causa dubia cōtroversa, atq; summa cum invidia conjuncta dicere; gravissimū, statim & ex tempore in hoc consessu gravissimo dicere; veruntamen cùm hac in parte plurimū verti meum officium intelligam, ut vocatus ab amplissimo Ordine compaream, & rogatus sententiam meam ita exponam, ut nihil honestate, & patriæ Rei q; publicæ commodis antiquius habuisse videar; idcirco quid pronunciandū esse hac in controversia existimam, paucis liberè atq; ingenuè exponam. Animadversis verò atq; accuratissime quam fieri potuit, expensis & examinatis ijs omnibus, quæ vtrinq; adductæ nunc fuerunt, rationibus; propensiōr longè factus sum in partem Flaminij, cuius causa firmissima habet fundamenta, quæ nulla vi rationum ex adverso adductarunr labefactari possunt. Quis enim est tam legū imperitus, tamq; injūstus rerum æstimator, quin videat, & justius & melius Publio Cornelio suam Flaminium probasse generositatem? Cornelij quidem genus nemo vestrum, opinor, ignorat; sed nec Flaminius etiā

nus etiam , si historiarum monumenta revolvimus , ob-
scuris prorsus natalibus est . Quare cum vtricq; eadem
principia sint eademq; origo , neuter illorum nobilior
dicendus erit , nisi cui nobilior est animus , rectiusq; inge-
nium & artibus bonis & honestis aptius . Socrates , ille
Philosophorum princeps , & ab Apolline hominum sa-
pientissimus judicatus , optimum frumentum , non ex
pulchritudine agri , sed ex eo , quod cibum optimū p̄r-
beret , æstimandum prudenter affirmabat ; sic & ego cum
tanto viro , non qui ex nobili genere sit propagatus , sed
qui sit optimis moribus p̄ditus , eum virum bonum &
verè Nobilem statuo . Non enim Nobilitatis dignitatem
in his , quæ bestia illa multorum capitum plebecula ad-
miratur , pono , aucupio videlicet , venatione , levitate ,
opibus , inani jactatione , equis , stipatorum gregibus ,
luxuria , flagitijs , splendore , strepitu aut generis prosa-
pia ; nam hæc partim ludicra sunt , partim caduca , par-
tim tetra & flagitiosa ; verùm illud Nobilitatis certum
indiciū esse judico , quantò feris homines p̄stant , tanto
ipsis etiam hominibus nobiles antecellere , ac per omnes
virtutum gradus ad hoc sublime Nobilitatis fastigium
ascendere . Rectè igitur , mēa quidem sententiā , in con-
trarium Flaminius differuit ; Meo itaq; suffragio Nobis-
itas deinceps ex Virtutibus æstimator , & Lucre-
tiam , Flaminius , ut nobilior , vxorē habe-
to ; Salvo tamē cujuscunq; meliūs
& rectius sentientis judicio .

D. Junius



D. IVNIVS SYLLANVS COS.

E quoque, consultissime MARCE PVPI,
Progo super bac controversia, quæ inter ado-
lescentes istos de vera Nobilitate disceptata est,
Sententiam.

**M. PVPIVS PISO FRVGI
(ALPHVRNIANVS.)**

IBENTER & intrepidè in eandem cum L.
Muræna Consule devenio sentētiam. Pro-
inde cùm Flaminius ipse met caussam & jus-
suū, vt mihi quidē videtur, abundè cōpro-
baverit, & adversarij Cornelij objecta frigidiora, quām
in ijs refutandis anxiè laborandum sit, satis superque dilu-
erit: jdcircò breviter me expediam, vt quò brevior fu-
turus sum, eò rem paucioribus pro Flaminio indigere
significem. Quamvis verò Flaminius, quippe sua nixus
virtute, nihil glorioſius de genere jactitet: genus tamen
ad eos refert Consules, quorum Legatus Consularis, ma-
jor ille quōdam Cato floruit. Licet verò hæc Nobilitas
per majores acquisita, veluti ex traduce in posteros de-
scendat & vtrumque adolescentē cōspicuum reddat; tum
demū tamen commendabilis, & laudi honorique assignan-
da est, si quis eam ad virtutes referat: Si verò, eâ quis a-
butens, vitij sese dedat, ac majorem quasi licentiam ad
scelera:

scelerà ex Nobilitate sibi tribui autumet, illi certè non
honori est & laudi Nobilitas, sed dedecori & vituperio.
Quoniam igitur Cornelius à majorum studijs alienus, se
quā longissimè & dictis & factis à Nobilitate se junxit,
eaçq; ratione verū illum generositatis titulum vilem con-
temtibilem q; reddidit; contrà verò Flaminius, præter
majorum celebritatem & amplitudinem, Virtutem ex-
cellētem & ad multos pervagatam semper conjunctam
habuit, eiusq; beneficio etiam supra fortunam surrexit;
multis ego illum Nobilitatis gradibus antepono Corne-
lio, illiq; Lucretiam, si volet ipsa, adjudico. Sic opinor
fiet, ut juventus Romana, Nobilitatem, non in delicis,
non in sumosis majorum imaginibus, sed in Virtutibus
& præclare factis positam esse cognoscat.

D. IVNIVS SYLLANVS COS.

V quoq; Clariſſime MARCE VALE-
RI MESSALA, quid ſentias, nobis
dicere non graveris.

M. VALERIVS MESSALA

NIGER.

B. majorum Nobilitatē nemo gloriari mea-
ritō potest; lutum & terram commune
habent omnes homines sui generis princí-
pium, tām qui in purpura & byſſo nutriuntur,
quām qui in paupertatis abyſſo cōſumuntur. Qua-
propter

propfer quicūq; licet ex ignobilibus parētib⁹ ortus, suis
majoribus præluxerit, & dignitatis & laudis initia suæ
familiæ dederit ac primus conciliarit, modò Pietate &
Virtute alij plurimūm præstet, eum ego verè nobilem
pronuncio. Hæc Nobilitas à præstantissimis viris est
consectanda, hæc laudanda, hæc præmij⁹ privilegij⁹ cohonestanda, quò siant cæteri cives ad Virtutem capes-
sendam animosiores ardenteroresq;. Neq; enim, quem-
admodum cum Aristotele, divinus Plato, illud Socrati-
cæ amœnitatis lumen, scribit, vlla potest esse pia sancta q;
Reipublicæ politia, aut felix ejusdem status, absq; bonis
civium moribus, & nisi cives ipsi per se certatim æmu-
latione quadam honesta ad Virtutē Nobilitatemq; con-
tendant atq; ferantur. Quare si Cornelius virtutes ostē-
dere potest, quibus natalibus respondeat, benè; sin mi-
nus, sinat obscuram Virtutem emergere.

D. IVNIVS SYLLANVS COS.

ET tu, gravissime L. AFRANI, tuam
nobis dic sententiam.

L. AFRANIVS NEPOS.



PVD majores nostros magna sæpenumero
fuit, & inter hosce adolescentes est, non tam
de Nobilitate, quam de ejusdem perfectio-
ne contētio; Multi in affluētia divitiarum,
nonnulli in felicitate & præstantia generis, plaricq;, vt

Flaminius , & qui ante me dixerunt Collegæ mei , in
gloria Virtutis illam sitam esse arbitrati sunt. Ego verò
licet non lubenter aliâs à Collegarum recedam sententia,
tamen si eorum rationes , si Nobilitatis conditiones pau-
lo , vti debedo , accuratiùs cōsidero , huic sententiæ eorum
subscribere minimè possum ; contraçy Nobilitatis perfe-
ctionem non à Virtute in dispositione voluntatis , sed à
Natura in dispositione mētis proficiisci statuo , eaq; pro-
pter origini generis & Nobilitatis præstantiæ plurimūm
tribuendum censeo . Etenim indubitatum est , apud o-
mnes ferè , verissimū esse , quod à Poëta Græco præclarè
dictum est , è squilla non nasci rosam vel hyacinthum ;
Experientia insuper testatur , quosdam heroicos motus ,
animorumq; præclaros impetus , ceu Virtutū igniculos ,
à progenitoribus in sobolē quasi transfundi & derivari ,
adecò ut omnibus propè persuasū sit , de honestis probisq;
& Virtutis laude celeribus parētibus similes nasci poste-
ros , non secus atq; de generosa natione equorū aut aliorū
animalium & què bona & generosa procreatur soboles ;
Siquidem

Fortes creantur fortibus & bonis :
Est in iuencis , est in equis patrum
Virtus : nec imbellem feroce
Progenerant aquilæ columbam .

Proinde , vt caussæ efficiendi aliquid , vim potesta ,
semq; habent ; sic id quod est effectum , caussæ rationem
demonstrat . Hinc & Aristoteles , Philosophus ille per-
spicacissimus atq; judicio mētis acerrimo præditus , ma-



gnam esse procreationis vim contendit , & cum generis
fundamentum non præclarè jactum est, cætera quoq; la-
bare ac prolem fieri infelicem necessum esse , multis in
locis affirmsat, ubi inter cætera sic inquit; Nobilitas apud
omnes domi est in precio atq; honore : propterea quod
probabile est , viros præstantiores esse eos, qui è præstan-
tioribus nati sunt, quippe cum Nobilitas generis sit vir-
tus quædam atq; perfectio ; vidit nimirū humanæ veri-
tatis Aquila , velut ex homine homo, ex belua belua, ex
stirpe stirps nascitur , ita ex bonis bonos , ex nobilibus
procreari nobiles. Quemadmodum namq; in radice, est
quædam potentia & dispositio naturæ , cuius vi & influ-
entia in ramos succus, vita & fructus derivantur ; Ita e-
tiam in ipsa natura est quædam facultas & propensio ,
cujus beneficio & motu à parentibus in filios, nobilitatis
quasi vita & succus propagatur , ejusdemq; quasi sapor
diffunditur. Non parum igitur refert, à quibus quis na-
tus sit , cum in filijs sæpen numero videoas non solùm oris
similitudinem residere, verùm eandem propè morum ac
virtutum imaginem relucere. Hanc ob caussam apud
Græcos, ingeniosam illam & elegantia doctrinæ excultā
nationem , iij , qui à priinis & summis illis Ducibus Ce-
crope, Æaco, Hercule, Achille alijsq; primarijs Græciæ
Principibus genus duxerunt , in eorum nominis & glo-
riæ successionem cooptati sunt, suffragante totius Græ-
ciæ consensu , omniumq; vocibus ac mentibus compre-
bantibus; Quinimò majores nostri in petendis honoria-
bus nobis.



bus nobiles genere, etiā turpissimos, industrijs & novis
hominibus prætulerunt; non profecto sine ratione: Os-
mnes .n. boni semper Nobilitati favemus, & quia utile
est Reipublicæ, Nobiles homines esse dignos majoribus
suis, & quia valere apud nos debet clarorum hominum
senex de Reipub. meritorum etiam mortuorum me-
moria; Itaq; si emolumentorum nostrorū cura nos tan-
git, si grati sumus, si acceptorū memores beneficiorum,
quæ accumulatissimè Nobilium parentes in nos & in
Rempub. effuderunt, certè Nobilium liberis favere,
Nobilium soboli benè velle, Nobilium posteritati bene-
facere beneçp dicere debemus. Quia .n. illi īdem ege-
runt, vt non in vnam ætatem prodessent, sed beneficia
sua etiam post sese relinquerent, ita & nos non vna ætate
grati esse debemus. Hic magnos viros genuit, dignus est
beneficj, qualiscunq; est, dignos dedit: Hic egregij
majoribus ortus est, qualiscunq; est, sub umbra suorum
lateat. Ut .n. loca sordida repercuſſu Solis illustrantur,
ita inertes majorum suorum luce resplendent. Quare, vt
concludā, cùm Cornelius, avos suos, proavos, tritavos
recēsuerit, nobisq; ex omni antiquitate, seriem & genea-
logiā eorundē in memoriā revocaverit, quorū, vt notū
est omnibus, attestante etiam ipso Flaminio, claritudo
maxima celeberrimaçp in nostra Cívitate quādiutissimè
floruit, & opulētia ac dīvitījs illustris fuit; Idcīrcō Fla-
miniū, vtpote novū hominē ignobiliorem; Corneliū ve-
rō & genere & bonis fortunæ nobiliorē esse censeo.

F 3

D. Junius



D. IVNIVS SYLLANVS COS.

CEnse & tu Q. CÆCILI METELLE.

Q. CÆCILIVS METELLVS
CELER.

ONSIDERANTI mihi paulò diligentius,
& quæ à Collega, Viro amplissimo, modo
allata sunt, ad vivum, quod ajunt, resecan-
ti, in ejusdem, P.C. ire sententiam plane
nequeo. Licet nō, vt antè dictum, è squilla non nascatur
rosa; licet feroce aquilæ non progenerant imbelles Co-
lumbas; licet deniq; virtus bestiarum ad foetus ipsarum
in generatione transfundatur; tamen in hominis naturâ
diversum quid fieri, quotidiana testatur experientia.
Annon sæpen numero vsu venire perspicimus, vt ex nobis
lissimis quibusq; & strenuissimis, optimis doctissimisq;
paréribus liberos prodijse ignobilissimos, ignavissimos,
pessimos, inertissimosq; conqueramur? Ut igitur in cæ-
teris animantibus, quæ singulorum bonitas sit, specta-
mus; & venator non canis prolem, sed canem; equitâdi
studiosus non equi foetum, sed equum quarerit; sic & nos
in veram Nobilitatē inquirentes, non à quo quis ortus,
sed quis sit, investigemus, & hominis nobilis laudem,
opera, labore, diligentia vniuerscujusq; comparatam, i-
psius propriâ esse statuamus, præsertim cum teste divino
Platone, nihil turpius sit homini, qui alicujus momenti
ipse videri

ipse videri velit, quam committere, ut non sua sed mā-
jorum laude ornetur & celebretur. Vnde manifestum
sanè evadit, quòd qui stirpis ac gentis suæ antiquitatem
ac præstantiam ostentant, ac ipsi sese flagitijs inquinant
ac sceleribus tantùm nobilitant, hi nimirū tanquā clau-
dus baculo, ita virtute & fama parentū majorumq; suo-
rum nitantur. Etenim quemadmodū quispiam neq; vir
melior, neq; magis strenuus videtur, quòd patria ejus ali-
quādo & in pace floruit, & bello magnas res gessit; multò
minùs, quòd Vrbis situs opportunus, quòd munitioni-
bus aut naturâ ea ipsa patria à periculis tuta est: Ita neq;
maiores, neq; parentes genere nobiles, liberos suos effi-
ciunt Virtute claros, cùm reperiantur nimis multi, qui
ipsi in suam familiam veluti lumen Nobilitatis sua Vir-
tute intulerunt, plurimi accensum illud à majoribus suis
futilitate sua extinxerunt, atq; immani quodam furore
& patriam prodere atq; everttere, & parentum bonis atq;
etiam interdum corporibus violentas manus adserre non
dubitarunt. Quare distinguendum censeo, inter ἐγενέση
sive generositatem, & Nobilitatem: Potest enim aliquis
esse ἐγενέση seu ex claris parentibus natus, qui tamen non
sit Nobilis; contrà, potest aliquis esse Nobilis, qui tamē
nō sit ἐγενέση, sive ex illustri stemmate & familia procrea-
tus. Vnde denuò apparet, Nobilitatē veram non à ma-
joribus accipi, sed à sola Virtute, sumisq; in Rempub-
meritis comparari. Est sanè Nobilitas flos subdito-
rum, ornamentum pacis, firmamentum tranquillitatis,
magistratus

magistratus præsidium, regionis totius propugnaculum;
sed tum demū talis est, cum Pietatis, honestatis, omni-
umq; virtutum amans, nec ignavia, nec luxu, nec libidi-
ne, nec fastu, alijsq; id genus vitj;s sese polluit, nec majo-
rum splendori tenebras offundit. Hinc maiores nostri
homines prudentissimi, eos, qui benè apud omnes au-
dierunt, atq; h̄sdem summa cum laude noti fuerunt,
Nobiles quasi noscibiles appellaverunt. Intellexerunt
nimirum, Nobilitatem non majorum claritatem, nec
propriam bonam indolem, sed cognitam Virtutē esse;
Intellexerunt candē non amplitudine generis, non pictis
avorum vultibus, non opibus ad luxuriam plenis, sed
sola inquā, sola, Virtute actionibusq; honestis æstimari.
Quia igitur, vt ex præcedentibus satis superq; patet;

*Stemmata nil faciunt, nec prodest ordine longo
Censi Patrum, pictosq; ostendere vultus
Majorum, & st̄tes in curribus Æmilianos.*

Nobiles non sunt mihi Avi,
Nec altis inclutum titulis genus;
Sed clara Virtus: qui genus jactat suum,
Aliena laudat.

D. IVNIUS SYLLANVS COS.

LVCI AVRELII tu quid afferis?

L. AV-



L. AVRELIVS COTTA.

ANCEGO Nobilitatem veram, non simulatam;
illustrem & claram, non sumosam & umbratile
judico, & quæ Eruditionis amans literarumq;
studiosa, & quæ fortis, ac spiritu singulari & principali
ad res præclarè fortiterq; gerendas incitata est. Quem-
admodum namq; *duo sunt, quibus exultit ingens,*
Roma caput, Virtus belli, Prudentia pacis;
ita duæ quoq; sunt viæ ad illustre nomen veræ No-
bilitatis consequēdum præcipuæ & accommodatissimæ;
vna, Eruditio & doctrina, sine qua nec regnum, nec
Respublica, nec civitas, nec familia regi vel constare
potest; altera, Rei militaris virtus & alti & exaggerati
animi robur & fortitudo, in cuius tutela atq; præsidio
omnes res urbanæ & præclara hæc omnia latent, utpote
quæ orbem terrarum parere nostro imperio coëgit, im-
præsentiarum verò, nullum laborem sustinere, nullum
periculum subire, nullos cruciatus perferre, pro patriæ
commodis Reiç publicæ salute recusat. Proinde siqui-
deni Flaminius nō modò armis decoratus, verùm etiam
literarum studijs & legibus armatus, Veterem illam ma-
jorum suorum gloriam ab interitu vindicavit, & magna
quoq; sua cum laude eandē ad posteritatē propagare stu-
duit; Cornelius verò cōtrà ipsa naturā quasi relicta arro-
gantiūs ambitiosiusq; solum Nobilitatis generis titulum
præ se tulit, nulla interim sua virtute suffultus; idcirco
cundem ignobilem, Flaminium verò nobilem assero.

G

D, IV



D. IVNIUS SYLLANVS COS.

Luci Volcati, tu quoq; animi tui sensū pronuncia.

L. Volcatius Tullus.

Equidem semper iudicaui, majorum gloriam pos-
teris quasi lumē esse, qui si illud Virtutis somēto
aluerint, meritō sibi Nobilitatis titulum vēdicabunt: Si
verò maximē degeneres tantummodō inanem vetustatis
& sanguinis gloriam aucupātes nullā expressam & emi-
nentem maiorum suorum Virtutem sectati fuerint, nec
in labore corporis, nec in animi cōtentione, sed luxuria
molliter diffuentes in voluptate, in ocio, in omnium vi-
tiorum concursu atq; colluuie, vita suæ cursum consece-
rint, eos tantum abest ut verè nobiles esse judicē aut ap-
pellem, vt etiam ne micam quidem ullam Nobilitatis
eosdem habere sentiam: Nec dubito, quin Africanus
noster, qui suo cognomine declarauit, se tertiam mundi
partem subegisse, itemq; reliqui præstantissimi viri, qui
majorum memoria sua fortitudine toto terrarum orbe
claruerunt, degenerem & ignauo corpore languentem
vel filium, vel nepotem, veluti nothum, non mōdō hæ-
reditate, sed etiam nomine & familia exclusū Orco de-
uouissēt. Degener ergo Cornelius generosus esse nequit,
& mea sententia Flaminius multō nobilior est.

D. IVNIUS SYLLANVS COS.

Prudentissime Sulpiti, mentem tuam declaro.

Seruius

Seruius Sulpitius.

Ego verò, Consul Amplissime, hanc de Nobilitate nobilissimorum hominum contentionem admodum Reipublicæ nostræ periculosa esse judico. Quid enim aliud inter nobiles dissensio, quām totius Reipublicæ (ut ita loquar) paralysis ac dissolutio? Nam ut principijs nervorum male affectis, singulæ partes totius corporis, omnibus oppressæ & confectæ doloribus tremunt; ita nobilibus & primariis viris inter se contendentibus & diuisis, necesse est, ut & reliqui ciues in varias factiones, easq; periculosisssimas, distrahanter. Quare non immēritō Aristoteles, rerum abstrusarum solertissimus perscrutator, & alter Naturæ genius, eiusmodi contentiones sepulchrum Reipub nominare non dubitauit; Et verissimè prosector, Nobiles enim sunt columna, Nobiles sunt anima Reipublicæ. Iam si cōtentionibus distrahan- tur illi totum quoq; ædificium ut ruat, & corpus societatis ciuilis, alias viuidum, CARO VANDA V E R M I B U S efficiatur, necesse est. Quod cùm ita sit, si nobis salus patriæ nostræ, quā matrib' nostris, quæ nos progenuère, chariorem ducere debemus, cordi est, quemadmodum omnibus bonis & cordatis viris esse debet; demus quæso operam, Collegæ honoratissimi, ut inter hos nobiles adolescentes, nulla interiecta mora, contentionem hanc cognoscamus & componamus. In hac autem de Nobilitate controuersia nobis consideranda potissimum venit

antiquā generis Nobilitas, quæ & communior est, & ho-
noratior habetur, & veram gloriam sibi quodā jure pro-
prio quasi vendicare videtur. Ea namq; quò antiquior
est, eò major, &, vt ita dicam, nobilior est. Vulgo quidē
radicem & fundamentum veræ Nobilitatis in homine
solam Virtutem animiç; quandā alacritatem & magni-
tudinem esse statuunt: Viciſſim tamen pl̄erisq; prudē-
tissimis etiam, indubitatum, quòd generis antiquitate
& longa majorum, Virtute celebrium, serie nescio quid
quasi venerabilis ornamēti & pulchritudinis Nobilitati
accedat. Obscurior enim pl̄erumq; Virtus noua est; in
oculis & linguis omnium ea, quæ à multis retrò annis in
familij illustribus velut h̄ereditaria ad posteros propa-
gatur. Hinc aliquas olim etiam gentes fuisse accepimus,
quæ magna contentionē de originis suæ vetustate con-
certarint; Ägyptios cum Scythis; cum Ägyptis Phry-
ges; cum Phrygibus Arcades quorum hi etiam ante Lu-
nam & sidera se fuisse gloriati sunt, προσέλκυει eam ob caus-
am nuncupati, sicut urbis Atticæ ciues ἀυτόχθονες se esse
iactitarunt, quòd illa terra ex se ipso suos homines ge-
nuisse, eademq; regio & parens & altrix eorū fuisse pro-
pter vetustatem crederetur. Neq; sanè ridicula earum
gentium æmulatio & de antiquitate patriæ certamen;
Habet enim suam ætatem, habet suos auctus, habet suos
gradus Nobilitas. Quare ut senectā veneramur, sic etiā
cūm Nobilitas incipiat, nascatur, augeatur, crescat, ha-
beatq; iuuentam quasi florem, maturitatem quasi cani-
tiem;

tiem; hanc profectò per multas ætates, per multas familias continuatæ, summaçp cum gloria perpetuatæ Nobilitatis, canam antiquitatem colamus oportet; Quæ cùm multis parasangis antecedat Cornelius Flaminium, vt pote qui non ita pridem propria Virtute & liberalium artium scientia in altiorem nouæ cuiusdam Nobilitatis locum peruenit, illum, Cornelium inquam, Flaminio nobiliorem esse & sentio & assero.

D. IVNIVS SYLLANVS COS.

Fortissime Cæsar, habes, quod infringas?

C. Julius Cæsar.

Abeo equidem; Longè enim mihi alia mens est, P. C. cùm & verè Nobilium naturam, munus atq; officium diligenter cōsidero, & amici atq; Collegæ mei, ante me rogatus qui verba fecit, rationes accuratiūs pendo. Etsi enim in posteris antiquitatem generis meritò colere solemus, maximè si illa Virtutis stirps non excisa in illis sit, sed indies magis ac magis corroborata maneat; tamen vanam Antiquitatis fiduciam & inanem vetustatis gloriolam in mala propagine, ex generosa radice proueniente, nihili facio. Quid enim aliud est, quām insana ambitio, ab antiquissimis temporibus genus altè accersere, & in ea re gloriari? Nihil habet antiquitas tantoperè prædicabile aut præstabile, nec quidquām facit ad Nobilitatis soliditatem & veritatem temporis diu-

turnitas; nec ideo beatiores sunt homines, quod antiquiores, etiam si Heraclida aut Cecropida sint & Codro ipso vetustiores. Quod quid corruptius, eò vetustius. Quid vetustas, nisi labor & putredo? Igitur & sanguis antiquus nil aliud est, quam sanguis putidus & putrefactus. Quare nihil refert, si ad Romulum Brutum tuum genus referas, si ipse moribus & tota vita ab illis dissentias. Alexander ille nomine & re magnus, & alij heroës fortissimi, qui à Ioue se natos esse iactabant, & Deos se vocari volebant, hodiè quid aliud, quæso, superba illa & arroganti originis gloria lucrati sunt, nisi, quod pro insanis eapropter habeantur, & irrisione omnium, qui sani atq; sapientes sunt, illudantur? Et meritò quidem. Nam si antiquitate Generis Nobilitas aestimetur, nemine esse omnium certum est, qui nō & auos & proauos, & abauos habeat vel habuerit, imò cunctorum tandem origo ad unum autorem retro adducetur. Inane est itaq; hoc antiquæ Nobilitatis nomen, si nulla res alia nobillem faciat, præter antiquam stirpem, & sumosas ac inanes stemmatum imagines. At magnum est magnis viris procreatum esse; Fateor, verùm maius est esse magnū: Generi præire, non nocere conuenit: melius est bonum esse, quam creari bonis. Hoc intellexit Solstratus; ac quātus Philosophus? cui cùm generis obiecta esset ignorabilitas, eò majori respondit, in admiratione eam esse debere, quod genus à se initium accipiat. Quare, ut dendi finem faciam, Nobilioř mili videtur, qui familiæ ob

læ obscuræ lumen intulit, quām qui claram inertiam ob-
scurauit.

D. IVNIUS SYLLANVS COS.

*Ornatissime MARCE LICINI dic
age sententiam tuam.*

M. LICINIVS Crassus.

NEque ego, P. C. à modò allata sententia dissentire
queo, cùm ea quam proximè ad veritatem acces-
dere videatur. Ius quidem ciuitatis nostræ summa certè
apud nos est Nobilitas; Verum ego tamen semper in
ea fui sententia, eum demum esse verè nobilem, qui ad
primariam Vrbis dignitatem, summumq; honorum fa-
stigium anhelat; Cæterū id nemo assequetur, nisi sum-
ma virtute duce comiteq; fortuna assequatur. Quod si
generis claritudine splendeat, polleatq; opibus, huic
fortuna multum præsidij ad res feliciter gerendas adje-
cit; quæ si desint, felicitati fortè aliquid, Nobilitati de-
cedit nihil. Ac proinde assero Virtutem Romanorum
opus esse, & qui est à Virtute alienus, eum ne Romanū
quidem, multò minùs Romanum nobilem esse censem-
dum.

D. IVNIUS SYLLANVS COS.

Magne Pompei adde tuum suffragium.

Cn. Pom-



Cn. POMPEIVS MAGNVS.

Rara avis in terris nigroḡ, simillima Cygno
est vera Nobilitas; nec id quidem immerito, cùm
cæs res, ex quib' ea præcipuè producitur, Virtus scilicet
Scientia rei militaris, & alia id genus rara sint admodum
& in paucis conspicua. Videmus siquidem, proh dolor,
tot passim homines, qui se nobiles superciliosè dicunt,
ambitiosè profitentur, cùm nihil minus sint, quam no-
biles, nec aliam verbis, gestibus actisq; Nobilitatem pre-
se ferant, quam quod superbos se, arrogantes, rixosos,
minitabundos in inferioris status homines & inopes ru-
sticos exhibeant; Iouem Opt. Max. & reliquos Diuos
execrabiliter blasphemant; & plus quam Panicis terro-
ribus omnia cōpleant; indebiles & infirmos plus quam
viros se præbeant, cùm in hostes aut alios paulò animo-
siores & ad sui defensionem paratos minus sint quam fœ-
minæ, Crocodilos scilicet ad amissim imitantes. Sunt
enim terribiles cōtra fugaces, fugaces contra insequētes;
ad summam, sunt Leones in pace, in prælio Cerui; &
quod in veteri proverbio est, dignum patella operculum,
similes habent & alunt famulos, scelerum dominorum
ministros, & semper aliâs pessimè moratos. His & alijs
quamplurimis vitijis Nobilitatem maximè ostendi & de-
clarari existimant, cùm nulla re alia eorum Ignobilitas
magis ostendi possit. Talem fuisse hactenus Cornelium
nemo vestrum non nouit, Flaminium contrà ab huius-
modi moribus longè esse alienissimum indubitatum est
yniuerso

yniuero militiæ nostræ ordini. Nam quoâd longissime
potest mens mea respicere spacium præteriti temporis,
& pueritiae Flaminij memoriam recordari vltimam, in-
de usq; repetens, hunc artes liberales, quibus ætas pue-
rilis informari solet, didicisse; post verò Iurisprudentiæ
gnauiter operam dedisse memini. adeò ut cum prætexta-
tus etiam tum Flaminius esset, omnes eum, qui aliquid
de ingenijs poterant judicare, & amore & promotione
dignum existimarent: Posita verò prætexta bellicis re-
bus totum se dedidit, meq; summo studio seatus fuit:
Cumq; ego superioribus annis contra Sertorium ad bel-
lum maximum formidolosissimumq; missus fuisse, ibi
Flaminius se militē triarium exploratæq; virtutis præ-
buit; Sæpè ipsum hostium consilia explorare sua occula-
tare; sæpè insidias facere aut vitare; sæpè castra loco cō-
modo constituere & munire; sæpè pugnam vel declinare
prorsus vel certè cautè obire; sæpè muros concendere;
sæpè hostem ferire conspexi; Cum verò ante triennium
circiter, bellum Piraticum extrema hyeme apparassem,
ineunte Vere suscepissem, illudq; tandem feliciter media
æstate confecissem, & paulò pōst Imperator decreto Se-
natus Populiq; Romani constitutus, dum Tigranem in
vrbe Artaxata obsedissem, & infestissimum vrbi nostræ
Mithridatem expugnassem, debellasse; ibi Flaminius
me iubente, duxit exercitum; signa contulit; manum
conseruit; magnas copias hostium fudit; vrbes partim
vi, partim obsidione cepit; pro qua industria & in me-

H

undo



undo prælio alacritate, aliquoties vallarem, aliquoties
muralem, aliquoties ciuicam coronam habuit. Proinde
cùm summa dignitas sit in ihs, qui militari laude antea
cellunt; omnia enim, quæ sunt in Imperio & in statu ci-
uitatis, ab ihs defendi & firmari putantur; summa etiam
utilitas, siquidem eorum consilio & periculo cùm R e-
pub. tūm etiam nostris rebus perfrui possumus; Idcirco
cum his facio, qui ante me Flaminium nobiliorem cen-
suerunt.

D. IVNIVS SYLLANVS COS.

*Luci Cornelii Lentule, quæ est tuæ de hac con-
trouersia sententia?*

L. Cornelius Lentulus.

Aud Homerum, justissimum illum omnium rea-
rum æstimatorem, stomachatur & molestè seit
Achilles, cum videt, æquales honores inæqualibus tri-
bui; Nec sine ratione. Nihil enim ita portendit exitium
ciuitatibus & regnis, quam cum nullum discriminem no-
bilium & ignobilium habetur. Etsi verò, quod ad præ-
sentem controuersiam attinet, Flaminius propria vir-
tute & industria aditum sibi ad honores consequendos
patescerit & ad altiorem Nobilitatis gradum peruenies-
tit: tamen, quia nouis hominibus, qui à plebeio ordine
ad Nobilitatis eminētiā ascenderunt, nihil insolentius,
nihil intolerabilius esse solet, utpote, qui pristini status
obliti non qui faciunt, sed qui impræsentiarum sint, in-
tueantur;

Eueantur: Ideircō maiores nostri, prudentissimi rerum omnium arbitrii, apud quos infame nouorum hominum erat vocabulum, eiusmodi nouos homines non facile generis claritate fulgentibus præferebant, nec concedebant, ut h̄dem derepente fulgore ac strepitu externo antiquissimas vincerent familias. Videbant nimirum, eiusmodi nouitios, ac repentes humic̄z serpentes hominēs, per posticum quasi in medios Nobilitatis honores ingrediennes, pl̄erumic̄z quoquis antiquo nobili insolentia, fastu, ambitione, fieri nobiliores; Honores mutant mores, sed rarissimē in meliores. Narrant Bucephalum, Alexandri Magni equum, quoties nudus esset, equisonem in ter gum admittere cōsueuisse, regijs verō phaleris & bullis decoratum, neminem præter Regem ipsum tulisse, in omnes autem reliquos ferocem fuisse; Ita sanè fit in nouis hisce hominibus, quibus tenuibus & inopibus nihil est modestius, nihil placabilius, nihilc̄z blandius, sed facti nobiles, & novo honore ebrit̄ ac temulenti, primæ humilitatis & sortis immemores, quos magno honore antē habebant, eos deinde ludibrio habent & contemtui; Tanta est animi cum fortuna mutatio;

Asperius nihil est humili, cum surgit in altū.
Quinimò h̄dem ipsi maiores rarissimē & non facile eiusmodi nouis hominibus procurationem Reipub. comittébant. Sciebant nimirum, eos pl̄erumic̄z poculo quasi Circæo dementatos, & noui honoris musto inebriatos Respublicas solere & cōcutere & perturbare. Quan-

cas enim turbas, quantas tragœdias hi adrepticis nobiles
excitarint in Rebus publicis externis, testis est Orator
Atticus, sapientum eloquissimus Demosthenes, & elo-
quentium sapientissimus Isocrates. Quod ad nostram at-
tinet Remp. prætereo domesticas maculas & invidiam;
Historiæ quemvis docebunt facile, si aut veteris memo-
riæ recordationem explicare, aut recentia exempla col-
ligere animo atq; commemorare libuerit. Sed mihi
quidem antiqua altè repetere molestum est, noua verò
refricare cùm odiosum cùm superuacaneum quòd ea re-
centi penè omnium viuorum memoria teste confirmen-
tur. Quod cùm ita sit, nudo generi Nobilitatis pluris-
imum tribuendum esse statuo, & antiquitatem, ut omni-
bus rebus alijs quoddam decus adiungere, sic Nobilitati
raram quandam maiestatem constituere, ingenuè profis-
teor, eaq; propter Cornelium Flaminio nobiliorem de-
cerno.

D. IVNIUS SYLLANVS COS.

*Marce Marcellle, hac in re quid sentias,
nobis declaras.*

M. Claudius Marcellus.

 Riginē Urbis nostræ nemo opinor vestrūm, P. C.
Collegæ honoratissimi, ignorat, neq; quenquam
latet, ciuitatis principia ex quadam hominum colluie
coaluisse: Ex quibus quisq; quò in reb' gerēdis extitit
prōtor alacrior, eo fortior habitus fuit atq; nobilior;

Et citra

Et citra omnem Generis respectum Romulus, quem ob
vitæ morumq; innocentiam in numerum Deorum rela-
tum credimus, pro meritis nobilitauit vnumquemq;. Hinc Patricius, hinc Equestris ordo; Nec dubium est, quin superstes degeneres aut ignaos in ordinē redactus fuisset, virtutemq; recens emergentem in dignum honoris locum constituturus. Quare eum à cōmuni sensu alienum judico, qui in dubium id vocabit, quod Romuli, quod multorum honorum comprobatum est consensu; Neq; impedit receptus ab omnibus Oratoribus sermè mos, qui in Encomiis aliquando aūos atq; at aūos enumerant; Communis is quidem apodiceos locus est, sed inquiunt Rethores, si natalium splendor desit, laudabile fuerit, claritudinem generi intulisse. Id quia Flaminius probè fecit, jure optimo Nobilis censendus est, & multis gradibus Cornelio præferendus, qui hæreditariam Nobilitatem per inertiam suam lāguere atq; adeò emarginescere passus est.

D. IVNIVS SYLLANVS COS.

Pub. Seruili tuum pro more Symbolum addes.

Pub. Seruilius.

Video plerosq; vestrūm, Collegæ optimi, in partem Flaminij propensiōres factos esse; Caussam nullam aliam animaduerto, nisi quod Flaminium proprio Marte & industria ex humili genere ad sublime virtutis culmen peruenisse assuexatis: Cornelium contrā

Hij

volu-

voluptatibus Iuuenilibus deditum quāsi degenerē Nobilitatis hæreditate excidisse contendit. Verūm pace verstra dixerim, Collegæ optimi, hæc vestra sententia Cornelium aggrauatum existimo. Quæ enim ipsi obiecta sunt à Flaminio vitia, Socordia, libido & luxuria; Illa neq; in persona neq; in natura Cornelij inesse dico, sed in moribus eius: Cornelium non natura sed licentia & libertas deteriorem fecit, æstus & affluentia rerum prosperarum transuersim abripuit, & adulatorum conuersatio deprauavit; quæ omnia facile vel excelsum animum & generosum de constantia mentis cursuq; possent deſſcere; Num propterea Flaminius Cornelio præferetur: minimè gentium: Lubrica est juuenilis ætas, quæ ſapè id agit, quod recte fieri canities negat, huius vitia vel Xantippe Imperiosum animal facile corriget, vel senilis tandem prudentia penitus tollet. Præterea, annon sunt etiam Plebei, quibus hoc est cum Cornelio commune, qui etiam egentes in mendicitate, quod est absurdissimū, inſoleſcunt, & in paupertate ſuperbi ſunt, & in rerum omnium inopia libidinosi existunt. Ex quo ſane videre eſt, vitiositatem non inhærere Nobilitati, ſed accedere, nō Cornelio propriam, ſed cum maxima parte hominum communem. Quod verò hæc vitia grauiora in ipso, quam Flaminio, appareat, fit hoc ppter ea, quia in Cornelij, omniū oculi vultusq; coniecti ſunt, adeoq; in luce & in ore omnium versatur, ita ab omnibus obſeruat, ut nullum eius dictum aut factum poſſit eſſe propter claram

clarām generis nobilitatēm obscurūm; cūm Flaminius
& alij ex plebe homines in tenebris lateant, nec videāt se-
rē quenquam, nec videantur. Nullam igitur caussam
video, propter quam Flaminius Cornelio præferri debe-
at. At vim hominibus inferre cōsueuit. Sit ita; Annon
eandem propulsare imposterū poterit? At nocere mul-
tis consueuit. Sit ita; Annō eosdem seruare & defendere
impostorum studebit? Annon apis aculeo lādit? & ad
fauos singendos prodest? Sic & Cornelius nō detrimen-
ta solummodō, sed & adjumenta copiosē & Reipubli-
cæ, & nobis omnibus adseret. Præferendum ergo Flami-
nio Cornelium, & nobilitatem non ex moribus & vitis,
sed ex naturæ generositate dījudicandam omniō exi
stimo.

D. IVNIVS SYLLANVS COS.

Tu quoq; C. Scriboni adde tuum calculum.
C. Scribonius Curio.

PRÆjudicium jamdudum factum est; Propterea
ut aliquid adhiciam, necesse non puto. Nam cum
ego Consulatum peterem, Patricium esse nihil profuit;
Verūm hæc potissimum, quibus Flaminius, veluti va-
lidissimo caussæ præsidio nititur, literarum nempe co-
gnitio, & rei militaris virtus, quibus duobus nihil con-
junctius in Repub. esse debet. Nisi enim domi consi-
lijs res agatur, arma foris parua futura sunt. Quare ve-
oculi bini conditi sunt, ut pedes gemini à Natura pro-
ducti,



ducti, quò se mutuò adiuuent, nèc impediant; Sic ciues
bonos Consilia & animos ad conseruationem Reipub.,
pro cuiusq; tamen vocatione, conferre decet; Et vt in
nauis gubernandæ ratione, alia in prospera nauigatione
utimur, alia in aduersa tēpestate; ita cùm duo sint tem-
pora Reipublicæ, belli videlicet & pacis, cumq; eorum
gubernatio varijs Euripis & mutationibus obnoxia in
perpetuo motu versetur; idcircò varietate harū artium
opus est, & quodam temperamento; Nunc arma, modò
literæ requiruntur, & separari nequeunt, cùm mutuo
indigeant auxilio. Hoc Hercules, Musagetes veteribus
dictus, & in communi templo cum Musis cultus; hoc
etiam pacis armatæ Symbolum Amazon quædam, gla-
dium ramis oleæ immixtum dexterā gerens, ingeniose
significare videtur. Arma igitur & Literæ sunt duæ Her-
culeæ columnæ, ad solidū decus veramq; gloriam com-
paratæ; his alij situr in sublime, hisce vigiljhs in pace,
hisce sudoribus in bello celebritas & fama nominis, & ve-
ra Nobilitas paratur, & post æui mortalis spacium re-
linquitur immortalis & æterna. Proinde quia Flami-
nius arma togæ feliciter junxit, quibus ars omnis Rei-
publicæ administrandæ consistit, eum ego Cornelio no-
biliore statuo, & ut antea semper, ita & nunc fumosas
imagines præclarè factis posthabeo. Quæadmodū n. fu-
cos nemo sanè mētis homo laudat, qui apū laboribus &
melli insidiantur; ita illis nobilibus, qui ex sudore & sa-
guine aliorū sua comparant cōmoda, suis indulgent vo-
luptatibus,

etiam



Iuptatibus , sauere minimè possum , cùm , teste Diogene
fucata Nobilitas velamentum sit malitiæ.

D. IVNIUS SYLLANVS COS.

Cognoui, Collegæ Optatissimi, ex suffragijs vestris,
plerorū Flaminium, nonnullos Cornelium, no-
biliorem iudicare: Ego dum sententias singulorum non
dī numero , verū accuratiūs, vt fieri debet, considero,
& non quot, sed quæ sint in medium allata, pondero, eo.
rum, qui à Flaminij stant partibus, approbandam senten-
tiam censeo. Cessante caussa cessare effectum docent
Logici; Sic absente Virtutis excellentia eiusdem præ-
mium, id est, Nobilitatis honorem abesse neminiq; des-
beri certum est. Quod si patrum ignobilitas nemini
virtutem colenti nocet, & claritas quoq; eorundem tan-
topere prodesse non debet. Nobilitatem veram annus
producit, nō ager, id quod Lycurgus, Legislator ille ce-
leberrimus, olim suis Lacedæmonijs pulcherrima Chriæ
ostendit, cum duos catulos, alterum ex ignobili canum
genere, qui ad ædium custodiam, alterum ex præstantio-
re, qui ad venandum aluntur genitos, enutriuit; Natum
autem deteriori genere, venationibus exercuit, & meliori
natum voracitati adsuefecit; deinde eos in forum pro-
duxit, & quædam gulæ irritamenta subinde dimisit; Inde
vterq; ad quæ fuerat assuetus, impetum cum fecisset, &
alter leporem, alter ollam sectaretur, Lycurgus, Sic nos
(inquit) ô ciucs splendor generis, quem multi admi-
rantur

rantur, Herculisq; posteritas nihil adiuuat nisi ea gesseris-
mus, propter quæ ille omnibus se hominibus clariorem
nobilioremq; ostendit. Præterea Philosophitia nu-
merant bona, animi videlicet, corporis & fortunæ. Ani-
mi bona, quibus Flaminius præditus est reliquis, de quiq;
bus solis Cornelius gloriatur, tantò præstantiora sunt,
quantò animi, quam corporis, origo melior est: Et si
Stoicis credimus animi dotes solæ in bonis numerandæ
sunt; reliqua verò, si adsint, siq; recte h̄s utaris, commoda
fortassis appellari possunt: Sin autem desunt, ad bené
beateq; viuendum nihil officiunt. Viuit enim apud Su-
peros & habet sua munera virtus, cum illa fluxa sint, ca-
duca, & aliquando virtutis conatibus vehementer obstat-
tia, Vnde factum est, vt Philosophorum quidam fortu-
nas, tanquam virtutis & felicitatis remoras, abiecerint;
Crates, cur magnum auri pondus abiecerit, ipse caussam
assignat, ne, inquit, me aurū mergeret. Cur Thales Mi-
lesius, unus ex famigeratissimo septem Sapientum Col-
legio, ex patria profugus, nihil secum ferre voluit?
Ideò sanè, quod eo modo se expeditiorem fore cerneret;
Huiusmodi sexcenta referrem ordine, nisi hæc sufficere
putarem. Quare, quia veris animi dotibus exorna-
tus Flaminius arduum Virtutis iter Dñs fortunantibus
hactenus ingressus fuit, eum idcirco ad veræ Nobilitatis
sublimitatem pervenisse; Cornelium contrà, cui Volu-
ptas præ Virtute placuit, Nobilitatis hæreditate non in-
iuriā excidisse pronuncio. Tu itaq; Martiane Se-
natus consultum concipe & scribe.



MARTIANVS Scriba sive Actuarius.
Id ipsum ago.

Interea Psalmus CXXXIII, Sex Vocibus à Iohanne Celschero
Musico Thoruniensi expressus decantabatur.

MARTIANVS Scriba.

Audite, si luber, P. C. Senatus Consultum, an rectè in libri
relatum sit; ANNO AB VRBE CONDITA DC.
XCI. D. IVNIO SYLLANO, ET L. MVRÆNA COSS.
SYLLANVS SENATVM HABVIT, SENATVS DE-
CREVIT, NE DEINCEPS IGNAVVS, QVANTVMVIS
GENERE ET OPIBVIS TVRGIDVS, PRO NOBILI
HABEATVR: VIRTVTIBVS CONTRA VT ADITVS AD
AMPLISSIMOS HONORES PATEAT, NEVE ALI-
VNDE NOBILITAS, QVAM EX VIRTVTIBVS
AESTIMETVR.

D. IVNIUS SYLLANVS COS:
Rectè omnia. Vocentur ergo Partes.

L. MVRÆNA COS.

Præco, nunc ingredi eos curato, qui Sena-
tus sententiam expectant.

P R A E C O.

Fiet. Reuertimini vos adolescentes, Senatus jam
de vestra controversia pronunciabit.

D. IVNIUS SYLLANVS COS.

Quemadmodum à nobis petiſtis, adolescentes, audita
vestra & cognita cauſa est: Quæ

I 2 etiam



etiam vtrinq; allata fuerunt, ea à nobis diligenter
per pensa sunt, & secundum ea sententia dicta &
concepta: Ea quæ sit, ex Actuario nostro jam in-
telligetis. **TU MARTIANE** Sena-
tus Consultum recita.

Hic ab Actuario recitatur **SENATVS** Consultum:

ANNO AB VRBE CONDITA DC. &c.

D. IVNIVS SYLLANVS COS.

*Senatus decretum percepistis, ex quo facile
intelligere est, uter ex vobis nobilior sit: Flami-
nium novum quidem hominem, sed qui per suas
Virtutes in magnâ celebritatem accrevit, Fla-
minium, inquam, Senatus in aeternum præjudici-
um nobiliorem magno consensu judicavit, ita ta-
men, ut Lucretia præjudicatum non sit, quin in-
ter procos optionem integrum habeat & retineat.*

P. CORNELIUS.

*Eadem ego fortunâ periclitior Senatores, qua olim
Ajax adversus Vlyssem. Præter enim spem omnem
atq; expectationem meam, hæc mihi sententia contin-
git, eaq; maximè gravatum me sentio, utpote, qua igna-
væ literæ liberalibus equorum canumquæ studijs an-
teseruntur, Nobilitas negligitur, obscuritas inclare-
scit.*

scit. Quia tamen in vestrum arbitrium judiciumq; quasi compromisi, & quo animo & patienti hanc generositatis calamitatem feram, & proprio damno edoctus, cautiùs posthac de Nobilitate contendere discam.

FLAMINIVS.

Ego verò Viri Amplissimi & Prudentissimi, vestrā in causa mea industriam laudo, & pro hac tūm in audiendo humanitate & patientia, tūm in judicando fide & æquitate, vobis, quas possum gratias ago maximas, me amq; vicissim operam & officium universis vobis & singularis polliceor, meq; totum patriæ & Reipublicæ do, dedo atq; consecro, Deumq; immortalem oro, ut vos nobis universis totiq; Reipublicæ salvos & incolumes præstare & quam diutissimè seruare dignetur.

D I X I.

Musica figuralis exquisitior huic actui finem imposuit.



PERIOCHA HVIVS ACTVS PVBLCI.



Obilitas, Virtus, incedunt possibus æquis:
Hac sine uero nemo hominum nobilis esse potest.
Degener est, laudis qui nominalædit a ritæ;
Et ritus maculat prostituitq; genus.

I 3

EPI,

EPIGRAMMA DE HVIVS GE-
NERIS EXERCITIIS AD
AVTOREM.



Roficit in studijs iuuenilis gaudiiter etas;
Quando exercitij pectus inane polit;
Quando Oratores scribendo imitatur adauger?
Argiri aut Latij florida dona soni;
Quando Poetarum sequitur vestigia, versu
Exornat mentem nobilitat̄ suam;
Quando Tragedorum crudelia facta revolvit
Atroces animos saeua, facta notat;
Dum Comœdorum simulatos exprimit actus,
Sortis habet varias cum levitate rices;
Quando Oratorum prolixo more perorat,
Divitias linguae congerit illa suæ;
Cum res subtili dubias ratione modog.
Discutit ingenium iudiciumq. sovet.
Tanta exercitium iuuenili commoda præstat
Aetati: hoc igitur sæpe iuuenta colat.
Sed tamen hic actus, si tantum vera fatemur,
Præcellit reliquis utilitate suâ:
Erudit hic iuuenes, qui sit Respublica quondam
Legibus & iustis instituenda modis.
Sic igitur post hac, NIZOLI doce, iuventæ
Ciuiles casus fingere perge rudi.
Ut quondam multos habeat Respublica Cives,
Quorum iusticie pectus amore flagret;
Vtq. Magistratus habeat Respublica cautos,
Quorum iusticie pectus honore micet.

II. Adamus Freitagius Thoruni
Gymn; patr. Collega.

AD

AD Dñm MATTHIAM NIZOLIVM
PRORECTOR EM GYMNASII THORVNIE
ensis, ac Collegam mihi honorandum de
Oratoriæ facultatis exercitij &c.

Ode.

M. BARTHOLOMÆI VVILHELMI
Radeberg; Misnici.



Vlta est Scholis Gymnastica libera:
Comœdijs hic, dumq; Tragœdijs
Alter, viciſſim differendo
Ille, vel Eloquio iuuentam
Reddi peritam discupit impiger.
Recte quidem hæc: Ast utilius mihi
Longe videtur, disputatrix,
Suadag; s̄ modò agat Lyceis.
Nam disputans s̄c verificum rei
Cuiusq; sensum inquirere; s̄c loquens
Condicit ex umbra quasi actum:
Quomodo publicè agenda s̄t Res,
Talem docendi, S T V R M I V S, optimum,
Lampas Scholarum, Duxq; Modum Scholis
Monstravit: ad quem ô Pædotriba
Dirige ritè tuos labores!
Hinc Sturmianos, Consul ô inclute
S T R O B A N D E, curasti imprimier Tomos,
Nostrum ut viam hanc ipsam ad docendum
Gymnasium sequeretur aptam,
Via uniformis iam tibi, MELCHIOR
I V N I, decus, lux S T V R M I I & æmule,
Argentorati: omnem per orbem,
Tollit & usq; te ad astra Fama.

Et fin

Etu NIZOLI docte & amabilis
Semper mihi: cum exercitia hæc bona
Proponis, adsuescens iuuentam
Romuleæ benè disciplinæ.
Urge laboris propositum boni,
Mordacium nec vim metue agminum,
Aut Zoilorum pertimesce
Iudicio variante dentes.
Quod nunc per umbram vel tenuem exhibes
Cunctis videndum; lux radijs suis
Illustrat: hos umbratiles ut
Postmodò non videas labores.
Post hoc secundis hisce laboribus
Toruna pubes crescat, ut optimè
Formata ad usum à te forensem
Accumulet tibi laude laudes.
Quim gratias iam mente tibi intima
Multas refert: nec non rogat D E V S
Te hospitet quisnam bonorum est.
Qui velit huic male velle cæpto?

F I N I S.





ALVENSLEBEN

Cc

417









Abb. 1: Einzelblatt eines sehr dicken alten Buches

DFG



DE VERA NOBILITATE
 ORATIONES DVÆ,
 A DVOBVS IVVENIBVS, NO-
 BILEM PVELLAM AMBIENTIBVS,
 APVD SENATVM ROMANVM HABITAE;
 Olim à BONAGARSO PISTORIENSI Iurecon-
 sulto, & suæ ætatis Oratore clarissi-
 mo conscriptæ;

Ac deinde per XYSTVM BETVLEIVM AVGVSTA
 NVM in ludi formam redactæ.

Nunc verò
 Actione Ciuali nova, interpellatio
 Senatorumq; diversis senten-
 nibus, exercendæ Iuv
 ergò, vestitz;

A MATTHIA NIZOLIO T
 Boruſſo, Gymnasij patrj P



Thoruñ Boruſſoru
 Excudebat ANDREAS C
 Anno M. DC. L

